

卷四目錄

軍中詞命

1 請降書

2 詣總兵官及清化府衛書

3 與大監山壽書

4 與方政書

5 又答方政書

6 又答方政書

7 又與方政書

8 再復方政書

9 答總兵王通太監山壽等書

10 達花大人等書

11 寄蔡公書

12 與邢內官并打忠梁汝笏等書

扣齋遺集卷之四

四目錄

福溪藏板

13 再打忠梁汝笏書

14 再答王通書

15 再與王通山壽書

16 再與王通書

17 再與王通書

18 再與王通書

19 再達王通書

20 再達山壽書

21 求封表文

22 奏告文

23 與王通書

24 與太監山壽書

25 再與山壽書

26 再與王通書

27 與打忠梁汝笏書

28 再與王通書

R. 990
H. 1111
S. 1111

69
62
52
183

37
37 再與王通書 35^a

39 與王通書 39^a

41 求封奏文 41^a

29 再與太監山壽書 23^a

31 諭北江城書 24^b

32 與王通書 24^a

35 再諭王通書 36^b

38 與蔡都督書 37^b

40 諭清化等城書 40^a

42 再與王通書 44^a

30 諭刁鵝城土官書 24^a

32 諭三江城書 26^a

34 再諭王通書 29^a

36 與王通書 33^b

抑齋遺集 卷之四完

抑齋遺集卷之四

目錄

二

福溪藏板

軍中詞命集

按藝文志云軍中詞命一集阮鴈草與北朝諸將往復書三戒諭將士文洪德間陳克儉編次又藍山記帝自平吳至復國凡軍中許多文書往復皆命文臣阮鴈所作也

請降書

一作訴冤

癸卯五月初六日差黎運黎臻將象牙五雙并書史記壬寅帝回至靈山二月絕糧惟食菜根蔬笋而已軍士疲勞欲得休息勸帝與賊和遂與山壽馬騏等行成

僕聞生太平之世人莫不得其所遇聖明之邦人莫不

遂其生今僕生長明朝遭逢盛世而嘗有失所之嘆何

福溪藏板

詞命

福溪藏板

我往因鄉人知縣杜富與僕有隙彼賂參政梁汝笏

謂僕欺慢上司恃彊跋扈若不圖之必生後患汝笏乃

告管兵官及內官馬騏等因發官兵來襲僕衆不問

老幼並為斬馘於俘族党俱亡妻兒分散發掘祖父墳

墓骸骨暴露

藍山記戊戌帝起兵于藍山明馬騏等逼之乃退克落水杜富引賊徒掘天皇處皇考骸骨又間行以襲

帝後以其家屬軍民妻子甚衆

僕無所控訴進退惟艱乃遣親人詣三司謝

罪使者再三皆被殺戮曾不放回僕計無所出於是奔

亡逃匿偷生歲月以待上司之察情糊口山林已經六歲



R.964

日嘗兩飯未曾一飽然精衛豈辭填海之勞冤酷不顧
死生之報因率其衆以襲杜富之家御虜彼宗親皇巷
庶得據其宿忿耳非敢他志今聞總兵官大德浹人
餘恩及物以鄧禹諭敵之心為心以黃霸化民之政為
政誠僕改過自新之日也虔差從兄黎運等奉書敬
詣轅門陳冤哀籲伏乞赦既往之愆許以自新之
路倘垂寬宥乾坤造化之力也

詣總兵官及清化府衛官書

初亦乃述集卷之四

詞命

二

福溪藏板

夫物不得其平則鳴故負冤酷者乃善惡不明真
偽不辨之所致也今府衛鎮守等官奉朝廷之命牧
養斯民譬父母之養嬰兒無不盡其愛也今僕遇無
辜之罪含冤酷之情不蒙矜察復督攻討使一方之
人不得其所此雖僕之罪亦由上司懷柔不以其道也
且惡死好生避勞就逸人之常情今僕棄桑梓而遁
逃舍田園而不顧興言及此尤可哀憐何朝廷之大守
牧之賢忍令僕至此極也今僕指天為誓與眾約曰

抱誠信而來降乞再生於君父幸能明其冤酷釋彼前愆使僕得盡忠悃以奉朝廷誠所願也昔魯康負罪竟為晉室忠臣關羽更生猶為曹公報效雖僕不敏敢忘斯義或與北戰以立功或俾從西征而贖罪雖死不辭伏乞俯察微誠免其罪矣幸甚

與太監山壽書

乙巳年陳氏末孫名壽賢字山林帝迎而立之紀年天震

夫天下之道重莫重於忠義尊莫尊於名節惡死好生向榮避辱此人之常情也僕自生來好名節而重忠

抑齋遺集卷之四

詞命

三

福溪藏板

義疾小人而致禍難雖身居艱險平生之志不衰日夜咨嗟望二天而控訴今聞大人從京始至明其負罪之端示以可生之路僕衆聞之童老不勝懽忭伏願以一冊為家奴以免縣官侵苦且古人云以訖治訖其禍不休今杜富與僕舊為仇讐再為本縣之官此僕所以離散逃亡之故也今大人德及昆蟲息洽草木藏汙含垢納叛招亡能許僕以改過自新洗心滌慮以作太平之民所謂死生而骨肉也

與方政書

僕竊料千鈞之弩，不為覬鼠。發機今卿為相，名將以兩國之兵而爭勝於匹夫。勝者不過封侯，萬一蹉跌，四方乘弊，兵革不休。雖有智者，不善其後，悔將何及。第恐取笑於當朝，貽譏於後世，深為公寒心焉。今為公計，不如按甲休兵，閑坐受降，此上策也。雖僕等與公之幸，亦天下萬民之大幸也。

又答方政書

明又進軍不止及有書諭我至而數其罪故為書答之

抑齋遺集卷之四

詞命

四

福溪藏板

示再虐賊方政夫為將之道以仁義為本智勇為資今再等徒尚詭詐虜殺無辜每陷其眾於死亡之地而不恤天地所不容人鬼所共憤是以連年征伐常取挫敗而不能先為之改過乃猶起穢以自臭悔將何及況今春水方生嵐瘴流毒其物不能耐久今再徒擁大兵逗撓不進使軍人染瘴厲而死是誰罪過兵法曰仁者以弱制疆義者以寡敵眾再今欲戰則宜勒兵相攻以決雌雄毋徒苦兩軍為也

又答方政書

賊見前書罵之曰汝苟能戰當出平原坦地故答之

示再慮賊方政夫善用兵者無險無不險無易無不易勝負在乎將不在乎地之險易也八險而鬪者如兩虎鬪於空谷中善用者勝誤用者敗是以地無常形戰無常勦何險易之有分哉汝若不退必引兵以決戰焉

又與方政書

丙午年五月我軍至又安城被不出戰乃為書遺之

示再慮賊方政吾聞名將貴仁義賤權謀再等權謀猶不足况仁義乎昔者汝書之來嘗笑我首鼠竄伏山

和齊遺集卷之四

詞命

五

福溪藏板

林不敢出平原坦地以相攻今我已至此又安城外皆為戰場汝謂此為山林乎為平原乎汝乃閉城固守正如一老嫗何耶吾恐汝等不免巾幗之辱矣

再復方政書

方政致書于我故復之

夫圖大事者以仁義為本成大功者以仁義為先惟仁義之魚全故事功之必濟再國因胡氏失道假以吊伐為名濟其暴戾之實侵奪我疆土漁獵我生民重賦繁刑搜求珍異閭里小民不得其養仁義固為是耶

今民惡神怒，繼有大喪，曾不知內省厥躬，而乃贖武窮兵，甘心遠畧，使士卒暴露，人民塗地，吾恐季氏之憂不在顛隳，而在蕭牆之內也。

答總兵王通太監山壽等書

十二月破關東城通壽差阮任將書請和故答之

僕聞天地之於萬物者，雷霆震怒而生，生之意行乎其間，父母之於衆子者，鞭笞譴責而鞠育之恩在乎其際，伏蒙大人書許以自新，不勝欣幸，誠天地父母之大德也。雖粉骨齑身，亦不足報，然大人若有愛恤元元之實

抑齋遺集卷之四

詞命

六 福溪藏板

意宜差頭目前，前往演義新平等城，各令班師。僕即謹具進貢方物，伏乞大人差官與僕親信子弟詣降，伏罪。僕自當脩整橋梁道路，不煩官軍。倘蒙矜納，非特免僕國生靈之塗炭，抑亦免中國士卒鋒刃之苦也。

達花大人等書

達花大人等知道，只今講好已成，求封表與使人將已過梅關，同東西二廣及福建等處，俱以明年正月初二日起程回京。惟總兵官王大人、太監山大人暫且停駐。

等

趕

等待濱州又安清化。迤裏官軍齊到東關。一併同行。公等宜速戒裝出城。駐札以待蔡公及邢內官。打指揮等。至此一同伴去。請勿暫遲。如今道路橋梁俱已脩整。糧食俱已備辦。供給大人等。若或暫遲。只恐蔡公去後。難以獨行。為此與大人報知。宜早趕蔡公同去。為妙。

寄蔡公書

書寄賢兄蔡公。弟寓東關。聞知兄已出城。拜見我陳主。可喜可喜。自此解兵。使南國得免干戈之苦。何

辛也可謂知幾君子哉。其為情好至篤。百年不可忘也。今遣人將船十五隻來接公。及各官貴眷。可隨使東

詞命

七

福溪藏板

裝來。其餘軍人。可以陸行。吾今各處橋梁俱已修整。路上無虞。只為報知。今備小禮。乞麾細書妙。

與邢內官并打忠梁汝笏等書

書說與邢大人打梁諸公等。只今和好已成。公等宜速整裝。待得蔡公自安來。及濱州城軍等過此。一併同行。只今路上棧道俱已修整。糧食供給亦已准

台

72

備倘若不行只恐蔡公去後無人相伴糧食恐或關
乏棧道恐或傾圮日後惟艱只此相報

再與打忠梁汝笏書

書說與打老官梁相公等若欲一家大小俱得平安
宜聽吾言速整裝出城待演又官相與同去如或不
然悔將無及公等豈不見演又順化等軍人只今妻
子俱得保全歡歡喜喜無一些事公等乃慮不及
此而欲若是其自苦耶我果有欲害公等之心無計

抑齋遺集卷之四

詞命

福溪藏板

可免只今聖上寬恩有勅旨令總兵官便宜行事許
立我陳氏班師回京以免兩國干戈之苦我亦以仁義
之道盡心敬事朝庭凡一應官軍俱各遞送回還所
過悉為修整橋梁道路供給糧食是我欲以留名
永至千載故不欲與公等較一和之得失也如或不然不
過朞月之間公等雖金城湯池亦必委棄之耳到此
和節無可奈何竊為公計莫若速行請勿狐疑以
敗乃事不宣

再答王通書十二月東關城王通等遺書責其負約殺我打草軍丁故答之

僕聞越人澆薄齊人多詐蓋地氣所生人性所受此古今之常理也是以其間雖有忠信篤實之人而隨玷焉今閣下所謂前後異詞此是往來之使不達事勢之宜以致兩軍之疑惑僕曷敢異處於其間哉伏望列位大人察而宥之如謂打草軍丁每見殺戮是上流之軍車參之徒紅衣之卒或性貪財而好殺以致然也僕固不曾見聞然稍加戒飭久亦安順如謂各衛軍人未見送

抑齋遺集卷之四 詞命 九 福溪藏板

到此是程途修阻士卒難行然陸續相至屈指可待非敢忘也如謂賣表之使亦未嘗明白到邱温如是則送使之人懶慢不行回扇浮言別作生事僕等決無他意如或不信則閣下宜復使一二親信之人與僕兩三頭目前往邱温審問虛實以明真偽可也如謂船隻道路橋梁未見修整自是和好未定以致牽延苟和好既成修之未晚自今以後倘能塞絕疑惑之心更篤和好之義則下免安南之塗炭上解中

國之疲勞天下幸甚

再與王通山壽書

僕聞信者國之寶人而無信其何以行之哉前者得書併使人來言約以和解二俱已聽從今觀城中猶掘

壕放尖高柵樹壘壞古器以鑄火筒修戰器史記王通取龜田鐘

普明鼎為鏡碑又高築東關城復壘掘壕放尖是大人等將班師回京耶將固守

城池耶俱不可得而知也傳曰不誠無物蓋心不誠則

事皆虛妄大人誠能不棄前言凡所行之事要宜利

抑齋遺集卷之四

詞命

十

福溪藏板

害明白欲班師則班師欲固守則固守何以陽言結好

陰懷異圖不宜前後相反內外不一若此也夫小民愚而

神雖以僕昏惰無知然必若孔子所謂視其所以觀其

所由察其所安則人之情偽毫髮有不容隱者矣不宣

再與王通書

前者得書併草本所言要赦安南罪復立陳氏遺嗣僕與

諸頭目軍人等莫不歡欣鼓舞相謂果能如是今後南

北無事矣然天高而皇帝遠大人權不歸一政出多門

言動不同心各自異。九前日所言所行。僕已嘗備見之矣。不知今日之事。果將如何。此僕區區小人之見。所以卧不安席。食不甘味。拳拳然于懷。欲捨而不能也。况前日事勢。與今日事勢。實同一機。一人說。是十人說。非一人做事。而十人壞事。是所謂作舍道旁。三年不成者也。迹其所為。若是。遂使僕等。至今不勝其苦。大人倘見矜切。莫効前日之所為。千萬留情。是僕之大幸也。不宣。

再與王通書。

抑齋遺集卷之四

詞命

十一

福溪藏板

前者辱承尊翰。并使人所言。俱云只因前信。更無異詞。又云朝進表。暮退軍。其書墨彩未乾。言猶在耳。今使已行矣。送使之人。亦已回矣。不知大人果因前信耶。更復異詞耶。如果因前信。必明白相報。使僕得整橋梁。備軍物。以候其行。倘復異詞。誠恐信不可失也。古人云。去食去兵。信不可去。故文公不貪伐原之利。商君不廢徒木之賞。今大人以詩書之帥。又不若文公商君乎。果欲棄信乎。不宣。

再與王通書

帝欲進逼東關城即升堯城故先與之書也

昨以驅寨稍遠寔勞往來今欲移居北江城邊對岸相近以便來往敬稟知此意專候尊命如別有發落乞示僕為感不宣

再達王通書

達總兵官大人僕聞天無私覆地無私載日月無私照臨故王者以四海為家初無遷避之有間也今者疊奉尊書許以請命班師欲必以二太監大人奏請立我陳氏

扣齋遺集卷之四

詞命

十二

福溪藏板

子孫是大人等誠能為國盡忠尊君以義比之前要功晏奏謂陳氏子孫盡絕信不同矣信如此言非惟交趾一國之幸亦天下萬邦之大幸也朝廷之恩既與天地同覆載日月同照臨大人有命敝邑豈敢背違哉區區恐慄不勝俟命之至

再達山壽書

達山老大人等前者奉書未蒙許可今欲再冒威嚴只恐煩瀆然人有病疾則呼天呼父母此亦常情所不免

奉字倫平
作書

社
土

比以官軍所獲可藍册之人屢已告訴乞為撥還不知如何並不見一人放出士官及別士人既不敢再煩至若可藍之人俱是舊人親戚奴婢豈忍若是熱然耶所以不得不冒干威嚴再為煩屑告也不宣下有奏告文

求封表文

交趾布政清化等府知府臣黎利誠惶誠恐誓首頓首謹上言臣伏觀大軍克平之初詔求陳氏子孫以奉宗祀社其都布按等官未及徧求只詢士人言奏稱陳氏

抑齋遺集卷之四

詞命

福溪藏板

子孫俱被胡氏誅滅殆盡無可繼立已議置府縣設官分治訖洪熙元年明仁宗臣年號及本國者民於老耄地方訪得陳氏某實先陳王某嫡孫稟性聰明秉心忠順義當繼立乞照依例襲封仍舊納貢謹遣某奉表奏以聞

伏以湯武吊民而罰罪事非得已杞宋繼世而興國義所當然往替厥初顯為明證臣黎利竊惟聖人之治不過九州王者之仁實同一體茲惟交趾曼隔萃風漢唐置

此物事作語

這是諸字

具下求封

奏文第四

十一張

之羈縻宋元因而封爵逮我朝當太祖之啓運而陳氏
先諸國以八朝遞年來貢於帝建累世襲封於王爵頃因
胡氏之失德致今天討之有加朝廷寬仁詔求陳氏子孫以
承宗祀社邊臣妄議奏置交趾郡縣而設治官奈民心猶溺
於故常而夷習難便於教化率由舊染終成禍階民庶
流離比歲散亡者何可勝數士卒征伐連年困斃者誠
所堪憐臣等念赤子之無辜憫陳家之絕祀非故同趙
陀之處黃屋竊欲効程嬰之存孤兜初合衆志而順輦

抑齋遺集卷之四

詞命

十四

福溪藏板

情乃忘殘軀而立大義自知舉頭而觸法每懷無地
而措躬有痛則呼乃人情之必至知過必改諒聖人之
所容瀝血陳詞籲天請命恭惟

秦包由李
作定案

皇帝陛下天覆地載日照月臨春育海涵大廓秦包
之量雲行雨施普覃解作之恩必崇德以象賢必興
絕而繼滅必同漢武詔棄輪臺之過必如太宗悔伐高
麗之非必赦過宥罪誕擴好生之仁必休兵息民尚講止戈
之武臣敢不銘心刻骨効順輸忠奉表稱臣願述侯藩之

心
必

職畏天事大惟殫小國之誠臣下情無任不勝瞻天
仰聖激切屏營之至謹奉表陳謝以聞

奏告文

維天慶二年歲次丙午十二月庚申朔越二十九日戊子八
內檢校太師平章軍國重事代天行化賜金魚袋雙
金虎符壯武衛國公臣黎利誠惶誠恐稽首頓首謹
奏告于

太宗皇帝顯慈順天皇太后聖宗皇帝元聖皇太后

柳齋遺集卷之四

詞命

十五

福溪城板

仁宗皇帝欽慈皇太后英宗皇帝昭慈皇太后昭宗
皇帝憲慈皇太后藝宗皇帝順慈皇太后肅宗皇帝
嘉慈皇太后重光皇帝陛下臣祖父受國恩厚世為近
臣義當効忠盡力一自明賊奪我疆土虐我生靈犯諸
先帝陵廟絕滅陳氏子孫臣卧薪嘗膽三十餘年志
在復讐以雷前耻於乙巳年142在老耄地方尋得藝宗三
世孫陳某於本年巳正大號以奉宗社義兵一舉四方雲
集是以一戰於茶龍而復又安清化之地再戰於寧橋而

復大越之舊疆各處賊人俱已出城拜降惟東關一城
未能遽屠寔由天祚皇陳故成功之速而臣等被堅執
銳幸得以効尺寸之功伏惟

烈聖皇帝陛下同垂協相勦滅彊明以致萬世太平之
福也臣下情無任瞻天仰聖謹奏表以聞

與王通書

丁未帝進軍瀘江北岸與東關賊對壘
王通山壽使阮任來通信帝以書示之

書奉總兵官大人鈞座前僕聞以誠服人者人亦以誠
服之夫至誠之道可以動天地通鬼神而況於人乎今

扣齊遺集卷之四

詞命

十六

福溪藏板

大人奉書出國當待人以誠而乃挾詐欺人自以為
高謂僕為無知兵為詭道陽為和好陰圖異謀前言
進表之後隨即退軍後乃高樹柵壘築城鑿池所為
若是誠耶偽耶古者大夫出疆專之可也况大人以
詩書之帥又於受命之日既許以便宜行事則九國
外之事豈復二待朝命耶且兵貴神速機闔開闔
如輪如雲剗刻之間忽寒忽暑大人豈不知而乃聽
奸豎馬騏殘率方政之計而遲疑猶豫以不決耶前者

去

既行文書取逸裏各衛處所軍馬兼謂地窄先將在
城軍人發回在外各衛隨後發出至今演義等城軍人
陸續俱至而前言必若捕風捉影是大人非特誑僕一人又
將各城衛所六七千餘人都他誑了僕以上敬朝廷之心
憫六七千餘人之性命約束軍士秋毫無犯而大人聽小
人之計欲以害僕之心移以害他夫胡馬嘶北風越鳥築南
枝人之常情孰能免此今者大人之計一失各衛所六七千
餘軍啣恨結怨深八骨髓莫不切齒扼腕誓無復見
大人俱請決一死戰大人如復踐前言以尋舊約則就行班
師以率前好僕亦將各城軍人及昨所獲軍馬盡數
發回如其不然請以各城含冤積怨之軍與僕三十
萬兵周旋城下聽大人如何發落僕不勝恐慄俟命之
至不宣

與太監山壽書

書奉太監山老大人鈞座前僕之事大人恩猶父母自前
至今曷嘗有一念之或虧前日大人賜書約以和解謂

抑齋遺集卷之四

詞命

十七

福溪藏板

進表之後隨卽退軍今使已行矣送使之人亦已回矣而軍之退不退未可卜也又謂要將土人俱放出城而數月以來不見一人放出不知父母果若是耶傳曰自古皆有死無信不立故王者不欺四海伯者不欺四鄰今大人以父母之心而欺其子耶伏惟鈞慈俯垂照亮不宣

再與山壽書

僕聞天有四扣必資土以旺人有四德必資信以行

苟土之不旺信之不充則乾道息人事虧矣故皇極以

抑齋遺集卷之四

詞命

十八

福溪藏板

土居中民靈以信為寔而後天人之用得其當焉僕雖不敏所以往復乎敬事大人始終無間者以此奈何大人前有陽言約以和解謂進表之後隨卽退軍今使已行矣送使之人亦已回矣而軍之退不退亦未卜也又謂要將土人俱放出城而數月以來未見一人放出不知大人之心果何如耶傳曰無信不立是以王者不欺四海伯者不欺四鄰信之為尚也大人聞之於耳克之於心推之於事無往而不通又豈可欺斯民而棄信耶書到伏

惟鈞慈俯垂照亮不宣

再與王通書

僕聞人有驅鷹犬操網罟以入山澤而語人曰吾非獵
與漁是雖喙三尺不可以自解不若放鷹犬棄網罟
而人自信之矣。前者累奉書示欲照太宗初征交
趾詔書內許立陳氏子孫事理及令上表求封退軍
回京赦安南罪語其初人人莫不懽怍信服後見城
中增樹柵壘修整戰器人人尋復驚疑雖以僕得大

抑齋遺集卷之四

詞命

十九

福溪藏板

人之恩厚如天地之覆載尚有所憾况其他乎。大人謂非
獵與漁但未肯放鷹犬棄網罟而使人之信也。昨者
因邱溫抱愠之人搜出宣德元年十二月初十日所差土
官武開賚本及本月十六日續差土人徐誠賚本等讀
本中意語方知大人之德猶天地之於萬物洋洋乎發育
生意潛施而萬物不之覺也。前書責僕不能敬事天
地父母僕不自知負罪深重徒切兢惶量大人必垂察
恕能即止初無求備之心僕又讀本中所謂不以一隅

之地而為天下之勞此論誠為的確使人人皆同此心則天下必無事矣其鎮守內官及三司各官徐以會議相內外不知朝廷大臣徒長計却議復如何大人果能開誠心若前書所議謂奉命之日得以便宜行事及不待命先回等語便當決成歸志一以解兵釋怨為天下生靈之幸一以引君當道以揚天下後世之名何必復請數萬官軍以護援宜更回還腹衷不如放鷹犬棄網罟之為愈也前言幸能不食僕當掣開歸路凡前途橋

抑齋遺集卷之四

詞命

二十

福溪藏板

梁糧餉供給請悉備辦以俟又安順化新平及前衛城等軍並秋毫無犯惟大人之命是遵彼此嫌疑一皆冰釋皇天后土在上鑒臨遠是約者神明殛之伏惟大人俯垂裁察

與打忠梁汝笏書

書奉鎮守西都城都指揮打公大參政梁公足下我與公等前日交約有素天地鬼神想已證明在上豈期今日便成睽離今迹其所為皆出於為國忘軀非

有私故也然所貴乎君子者貴乎識韜達變而已且
天運循環無往不復自古及今莫不皆然安南昔為
中國之所侵占者自秦漢而下况天之所以限南北者
高山大川之封域已定雖疆如秦富如隋豈可以勢
力逞之哉且以今日之事勢論之如新平順化又安演
州及三江至靈市橋昌江邛温前衛等城其中智勇
之將謀畧之士豈無其人而城池非不高且深糧儲豈不
為多兵守豈不為固然皆已開門釋甲共携妻子而

抑齋遺集卷之四

詞命

二十一 福溪藏板

與我相會定為期日班師回京而公等乃執守故
常不達事變之宜欲以數仞之城而拘留久役思歸
之士謂可以度日自娛而不顧數千之性命是豈仁者
之所為哉今我如選取清化演州及西都諸路只三四
萬周旋城下蓋不過相刻之間灰飛竹破到此相節
公等欲保全妻子性命豈不難哉今為公等計莫如
早棄甲兵出城與蔡都督等軍陸續回去以還我
安南境土使彼此兩便豈不善哉如或不然末之何

也已

再與王通書

書奉總兵官大人僕聞誠於愛物者天地之心誠於愛子者父母之心愛物不誠則生生有劫而息愛子不誠則慈愛有劫而虧是以天地之於萬物父母之於赤子不過一誠而已昨日奉書責以不能敬事天地父母然僕觀大人前日所為並非天地父母之道其於處人處己之間果何如耶必如張子以責人之心責己方可謂之盡道矣前日東關地窄將城中軍人先行發回及清化迺襄軍人陸續發去今却教蔡都督過江相會而責僕以不信豈不謬哉夫所行不義而厚誣於人非君子之所存心也未復以胡氏身喪國亡為喻夫胡氏不道則吊伐之師固不可緩然不能興滅繼絕而反欲窮兵黷武使無辜之衆連年沒命於鋒鏑匍匐之民比歲塗肝於草野是豈仁人君子之存心哉此所謂以燕伐燕以秦攻秦者也然前日已往自今以

抑齋遺集卷之四

詞命

二十二

福溪藏板

果

後大人果開誠心決成歸志則就將城中軍人先行發
回蔡公即隨同發去大人如或未行蔡公安敢先舉
足乎若使僕掣開歸路與夫脩整橋梁備辦糧草
則何難之有僕豈有他願哉不宣

再與太監山壽書

書奉太監山老大人僕竊惟平昔之恩逾於海岳而僕
之報補益有涓埃以此思之恩之深有自悔相感前者奉書已
自明言謂大人與總兵官之意固欲和辭以免兩國

抑齋遺集卷之四

詞命

二十三

福溪藏板

干戈之苦奈以方馬細人之言或以一旦國壞故僕之軍
下頭目或歸怨於僕自不聽僕告戒昨日之事僕初
不知也僕豈敢遽忘前議而欲害大人耶且是非曲直
信不能逃人心之靈諺有之曰如人飲水冷暖自知今
者和議之成不成信義之失不失非僕之過也前者所
獲馬三百匹軍一千人秋毫無傷缺其被殺者俱
是臨和對敵蓋出於不得已焉耳若能復尋舊約
如總兵官所言不待命而就行則前日所獲軍馬

自悔思

29

及迤裏各衛所軍人今俱在此惟大人之命是聽未審大人如何處置若其不然而猶惑於方馬之計雖以大人父母之恩必不能愛育其子而僕不得服事大人以盡為子之道惟大人恕責是幸不宣

喻刁鶚城土官書

昔人有言曰烏返歸故鄉狐死必首丘禽獸尚再况於人乎卿等本皆西越之人衣冠之族頃因胡氏失德吳賊憑凌或身陷於虜庭或名糜於偽職勢非得

抑齋遺集卷四

詞命

二十四

福溪藏板

已豈其本心上帝哀念假手于我代天行化太師衛

國公

史記丁未諸將推尊帝為代天行化自是榜諭多以稱之

吊民伐罪恢復基圖王

師所加義聲載路四方之民莫不襁負而至也卿等若能洗心滌慮去逆歸順或居為內應或挺身出降非特雪其前耻亦必蒙其降鑒我不食言若復戀顧偽職抗拒王師城陷之日罪浮於吳矣

諭北江城書

書示北江城中將校官員軍人等余聞人有南北道無

彼此仁入君子無處無之我安南雖遯嶺外而號為詩
書之邦其智謀才識之士世不乏人是以凡我所行之事莫
非動循禮義應天順人前者總兵官成山侯自寧橋
挫衄之後令人致書約以和解我上得盡敬順朝廷之
心下免為兩國干戈之苦所言一一聽從彼又令我差人
進表求封謂進表之後隨卽退軍及表既行而軍不
退又增樹柵壘繕脩器械自謂深為得計背約無信
一至於此今者清化演州迤裏等處衛軍俱已一齊到

抑齋遺集卷之四

詞命

二十五

福溪藏板

此凡軍人妻子財物秋毫無犯今為再計莫如出城與
蔡督軍決為歸計以活城中數千人之性命我等嘗觀
古人之得失如秦之白起楚之項羽殺降背約我等決不
為此再其寬心請勿畜疑以敗乃事汝若謂城高池深
糧食又多則清化又演等處城非不高池非不深糧非
不多兵非不彊而蔡都督兵非不精官非不大智非不
明而猶隨^且劫達變以全數萬人之性命而再等乃欲固
守虛議以取實禍豈不謬哉且我觀再國只今內有

蕭牆之深憂外有北邊之彊寇而大臣倖位政由下
出旱蝗連年盜賊蜂起其為喪亂豈不前知智者
觀事於未形而河再等見幾之不早乃欲若是自苦
耶再等若能出城與我和親則我視汝義猶兄弟骨
肉豈特保全妻子性命而已如其不然則仁汝所為旦
夕之間會相見再到此却節悔將無及再其思之

論三江城書

書示三江城中將校官員軍人等所貴乎君子者以其

抑齋遺集卷之四

詞命

二十六

福溪藏板

能識和達亦量力處已今者有人以烏卵而支泰山以螻蟻
而當車轍而自謂力有餘者亦可謂自愚之甚者矣再
等以數百軍人獨守孤城而與我抗是亦何異於此哉
以再之城池不若又安之高且深以再之糧儲不若演
安之畜積之厚而武勇敢死之士又不如演又軍人之
衆再之官爵又不如蔡都督之大今演又順化新平清
化前衛市橋昌江鎮江等處衛軍俱已開城出降今
見菩提樹下蔡都督寺定為日期班師回京凡一應官

軍及妻子財產並秋毫無犯而再惟執迷守誤不能遠圖何見機之不早也凡我將士莫不欲拔釐弧以先登而我猶念城中無辜之人實為再誤此惟桴鼓一鳴玉石不分書數字為寄

與王通書

帝使人往來通所通拒不納乃為書示之

書達總兵官成山侯鈞座前昨者奉書未蒙報示差人往候又却不與回是大人前日言行不違之言果何在乎僕以小國事大國之道宜當敬畏且以大人

抑齋遺集卷之四

詞命

二十七福溪藏板

前日昨言於義弗忍絕故累奉書不憚煩數然卒不得所願不知是勢使然耶按音於僕竊為大人計不如班師凱還以解兩國干戈之苦以免國家寤黷之禍以成興滅繼絕之義以示王者一視無私之仁上馬不負朝廷委仁之隆下馬不失將臣出國之義使名垂史冊顧不備哉與其襲漢唐好大喜功之弊豈若行仁義吊伐之師今乃舍此不圖惟汲汲於築城鑿池每日狼顧城門偷掠柴草何至若是自苦耶大人若謂城

池險固可恃則僕恐遠水不能救近火若謂城中勇敢之士尚多欲決雌雄於一戰則僕昔在可藍茶麟之日方公等以數萬之衆兵彊志銳而僕以數百父子之兵猶能迎刃而解以成破竹之勢况今以漢人清化新順及東都諸路選其精銳者不下數十萬人則其雌雄之勢可坐而策也然國之盛衰一關乎天兵之彊弱不在乎多而大人每以往日胡氏為喻僕以今日之事與往日不同夫胡氏欺天虐民而僕敬天順民則理之順逆不同抑齋遺集卷之四

詞命

二十六

福溪藏板

同一也胡氏之兵百萬惟百萬心僕之兵不過數十萬而人同一心此不同二也今大人幸能不以人廢言決成歸志令得親信之人同山大人過江為會僕即退師石室清潭快州以候出處如其不然末之何也已

再諭王通書

僕嘗觀易經三百八十四爻而其要在和之一字故君子隨和達變和之義大矣哉前日初征交趾之和

將臣奉詞伐罪此一相也今者天運循環無往不復大人奉命之日得以便宜處置而大人果能復照太宗詔書許立陳氏令復我國此又一相也相乎相乎信不可失書曰先相者殺無赦後相者殺無赦是以君子貴在隨相處中然自古以來迂儒俗士不識相務識相務者在乎俊傑若大人者所謂識相務之俊傑也昨奉書來要僕悔前日之非再修舊好信所謂君子無相夙惡避言若疾風暴雨倏再光霽是可喜也但所謂

相齊遺集卷之四

詞命

二十九

福溪藏板

倫

將在此軍士先發回一節於理有碍何者大人秉黃鉞總王師諸將雖有盖世之才絕倫之力莫不奔走奉命大人未行而欲演人等軍先回於理不順此一碍也且今日取出演人等軍原議先將在城官軍發回一自小人沮壞好事遂成粗糲演人等軍原有惡心謂為大人賣已今大人未行蔡都督必不敢先一步是二碍也目今天氣溫和正是班師相候大人捨此相不行而直待春水方生暑氣漸逼而謂從容踴還僕恐以

35
役思歸之士途中愁嗟到此却雖欲從容未必得從容也向者所謂隨却審變正宜辨之於早大人果能不以僕言為迂濶開布誠心願得親信之人同山大人過江相會刑牲軟血要質鬼神定為期日就將阮內官何知州送還東關僕亦隨卽差人進表納貢而退軍於石室快州等處使大人得以從容就道諸軍陸續而還而山大人為之收後如此則彼此嫌疑俱釋而大人天地父母之心方全始終僕雖結草啣環豈足報云

再諭王通書

端肅奉書總兵官列位大人鈞坐下夫善用兵者在乎審却勢而已得其却有其勢則變亡為存化小成大失其却無其勢則反彊為弱轉安為危在乎反掌之間爾今卿等不明却勢更飭誣辭豈不是庸劣匹夫何足與言兵事也往者內懷詭詐外托講和掘壕築壘坐待援兵心迹不白內外不一安能使我必篤信而

抑齋遺集卷之四

詞命

三十

福溪藏板

勿疑乎古人云他人有心予忖度之此之謂也昔秦吞併六國專制四海德政不修身亡國破今吳之疆不及秦而苛刻殆甚不滿期年必相繼而死所謂天命非人力也方今北有天元之敵內有潯州各處內外之憂江左一區不能自守况有他國之圖哉卿等不諳事勢為人所敗竟托張輔歆藉其威此豈大丈夫哉抑亦婦人耳當今事勢雖使上位舉兵而來亦促也耳况於張輔自至送死何足道哉昔漢昭烈劉氏

抑齋遺集卷之四

詞命

三十一

福溪藏板

之遺派耳孔明能使大業復興况皇陳之子孫乎天命與之人心歸之非吳國所能奪也且古之豪傑未遇而隱見樂而作是以伊尹莘野之耕夫太公渭水之釣父一為王者之佐一為王者之師是豈豪貴之人耶貧賤之人耶若燕之慕容趙之石勒此是中國之人耶蠻貊之人耶深味卿言真蠻獠小人語非中國之人言也今計窮力盡士卒疲勞內乏糧儲外無救援空取叢土假息孤城豈非机上之肉釜中之魚乎更欺

此

真

守

誰吾民諭以非義彼忠臣義士之人雖窮厄劫坐新嘗
 腑不肯異圖奈何今日肯信卿等不義之言乎但恐
 城南中人之懷舊主及吳人之不勝困苦其害卿等相
 繼來降如張飛呂布反為羣下所害此必然之理也今
 各城自都司以下恨卿等詐已誘以屠城或奮身而
 踰壘連造攻具繕修車梯被困之人反相殺戮何必
 我之士卒乎今為卿等之其敗有六潦水橫流墻柵
 崩頽樵蘇匱乏馬死兵疲此一敗也昔太宗於建德而
 抑齋遺集卷之四 詞命 三十二 福溪藏板

世克出降今長關險塞兵象俱屯援兵若至萬一必
 敗援兵既敗卿等成擒此二敗也健兵肥馬今在北
 地防備元兵不遑南顧此三敗也干戈屢動征伐頻
 興人不聊生嗷嗷失望此四敗也奸臣專政弱主當朝
 骨肉相殘蕭牆起禍此五敗也今我興起義兵上下同
 心英雄盡力士卒日練器械日精且耕且戰城中疲弊
 自取滅亡此六敗也今守一蕞之城以待六者之敗深
 為卿等惜之古云遠水不能救近火如有援兵之來亦

何益於敗亡乎昔者方政馬騏務行苛虐生靈塗炭
天下怨嗟掘我之邑墳墓虜我之民妻子生者受害死
者含冤鄉等深察事機詳明刑務斬方政馬騏之首送
赴軍門則免城中魚肉蘇國內瘡痍和好復通干戈
永息若欲班師振旅則修整橋梁辨備船隻水陸
二途惟意所欲送軍出境萬保無虞臣禮不虧貢物
不闕如其不聽則當整軍布陣交戰平原以決雌雄
以觀巧拙不可深居窮窟以效老嫗之態也

抑齋遺集卷之四

詞命

三十三

福溪藏板

與王通書

司空黎禮上將黎熾與明人戰敗于涇洞
帝以一失機故為書于之涇洞今黃梅洞是

僕聞去一勺水大海不為之渴添一勺水大海不為之
盈故善用兵者不以小勝喜不以大敗懼今諸公以數
千殘卒獨守孤城糧欲絕而援不來衆日離而軍
日少其彊弱勝負之勢可坐而策况安南兵象之多
心力之齊戰器日修士氣日增其智謀之士武勇之
將不譬林立而櫛比也公等一有小勝不見其彊而我
雖有小敗不見其弱昨者我之裨將數人年少氣驕

不遵約束輕戰失機公等以此得志今以新平順化
演人及前衛三江昌江鎮夷衛各所等處將校若蔡
都督及三司指揮千百戶等官數百餘員軍人一萬
數千男女大小三萬餘人俱為公等所誤較之我裨
將數人孰輕孰重孰勝孰負而公曾不以此為慮
猶且鵠張誇大譬猶突火棟焚而堂燕猶啣啣相樂
豈不甚可笑哉且今二廣地方聞我軍乘勝長驅羣
盜因而竊發霹靂大王已自據地稱帝而我之兵象

抑齋遺集卷之四

詞命

三十四

福溪藏板

日夜進攻憑祥隆州皆為我有今公猶且日望接兵
聲言援至譬猶夢中說夢又甚可笑也前日蔡都督
指揮千萬兵及各府州縣之官告乞願將太宗皇帝許立
陳氏子孫詔書內事理赴京陳奏及訖告總兵官不
能鎮守北方又隨人計却自行文書取各衛軍馬詐為
和解既而背約以致彼眾嗷嗷失所以此為詞然僕以前
日所得奏書則總兵官大人真有誠心但為方馬所
惑以致此再是以此議未定大人若能復尋舊約隨

卽班師與蔡都督和鮮一以免兩國干戈之苦一以鮮
蔡都督賣已之怨如此則全師免禍善哉若或
執迷守死而不善道是亦唐太宗所謂盡忠無益者
也且大丈夫行事當磊磊落落大人欲水戰則當盡戰
船排列江中以決死戰欲步戰則當盡兵馬遠出曠野
留一二日以夾雌雄不可首鼠城隅乍出乍入掠取柴草
以為得計若此則婦人女子所為非大丈夫所為也

再與王通書

抑齋遺集卷之四

詞命

三五 福溪藏板

清化府知府黎某書奉總兵成山侯知道僕聞所貴
子俊傑者在乎達和勢審事變而已我昔在可藍之
日地不過一城衆不過一旅而每為馬騏朱桀等所逼
後又道跡於老樞至靈山之地待和而發食不拘二飯衣
不拘冬夏兵不過數千器械空空如也親戚子弟師友
分散他鄉方不得完聚而方政馬騏王成馮貴等輩又
連歲進兵我之甲兵旦夕擺押無一和少息然處困
而亨屢戰累勝所過無不摧折豈非天意乎今者天

運循環無往不復往者不拘二飯今因再糧儲有三十
年之食昔者兵不過數百今清化父子之兵不下二萬濱州
新平順化素號精壯勇敢之士不下數萬與交州等路
同心同力之士不下十萬其餘戰士不下三十萬昔之師
友親戚分散今者智謀才識之士不啻林立櫛比昔之
器械空空今者戰船連雲鎧甲耀日鏡箭堆積火藥
倉充以昔較今疆務可知也况再國主連年死喪骨肉
相殘北寇侵凌大臣不附加以凶年荐至土木屢興政令

抑齋遺集卷之四

詞命

三十六

福溪藏板

煩苛盜賊蜂起自洪武至今窮兵黷武中國虛耗人
民疲弊天之降喪正在此劫再尚不達劫變反聽方馬
之言猶為攻守之計彼若善於攻守何不攻我於可
藍微弱之劫而反鷓張誇大於今日乎何不思之甚也
况又塗人耳目設詞誑衆聲言援兵欲至張輔又來
再何不思今日雖有援兵十萬敢過關乎若其傾國而
來或三四十萬再何不料再國今日果無事乎將蕭
牆之內猶有事乎如張輔等一劫僥倖成功再是劫

而後

113

胡氏篡奪一國之人視若仇敵叛親離張輔合乘此釁
 遂以成功再再何不思我兵象之多心力之齊縱有張
 輔百輩其如我何況再國勢岌岌若此此又令張輔
 領三四十萬兵出境再朝廷肯放心乎今為公等計不
 若與蔡都督班師回去之為愈也不然我旗一指我鼓
 一鳴公等悔將何及易曰窮則變變則通公等盍不
 思此^{而後}硜硜守巡遠之小節吾恐再之士卒日夜思歸之切
 繼以^{而後}饑溺不飽疾疫相因雖欲攻且守誰其與之諺云
 抑齋遺集卷之四 詞命 三十七 福溪藏板

一朝無食父子無義且方馬等輩所謂敗兵之將不可
 以語勇公等其燕思之

與蔡都督書

弟藍山書奉老兄蔡公足下夫士貴於所遇道貴於必
 行然道之行不行必關乎^{而後}遇不遇是以古之英雄
 豪傑其平日之所抱負莫不欲擴其夙蘊以明是道
 於斯世然其^{而後}遇不遇莫非天也昔者百里奚居
 虞而虞亡之秦而秦伯李左車之在趙而趙滅之漢

與

38

而漢興豈愚於此而智於彼。邦之遇不遇有以然也。老
 兄先朝宿將當初征交趾攻破多那公乃撥雲梯以
 先登功為第一。是後每年征伐屢申戰功。然不幸不
 為邦所知不能出人右。加以譴責相尋志不得伸。道不
 得行。卒使今日又為王通所賣。是足下不幸亦中國之大不
 幸也。視昔百里奚之居虞李左車之在趙何以異焉。今我
 國主素聞公之賢欲處公以大臣之位而願聽教焉。不審公
 意將如韓信之去楚而為漢用耶。則我國主之解衣推

抑齋遺集卷之四

詞命

三十一

希法錄本

食必不下於漢高祖如箕子之不臣周耶。則我國主之下車
 訪道必不下於周武王顧此二策公將安決。且國之興已
 盛衰關乎天運誠非人力所及。今公復為中國之用則方
 今中國內有蕭牆之禍外有北寇之憂旱澇相因妖孽荐
 至大臣不附舉國離心天之降喪不夙則暮士之明哲當審
 幾微之於早若公等不幸焉而遇不可為之邦又不幸焉
 不得伸其有為之志。正如唐太宗所謂盡忠無益者也
 為公計不若順其遇聽命于天乘此邦機樹立功業

使吾民幸得脫塗炭之苦而公之豈功偉績亦得以昭
垂青史豈不偉哉如其硜硜然於小節固非識朝豪傑
也願垂裁察不宣

與王通書

書示再總兵官知道古人有言窮寇勿逼今我款
舉三四十萬兵圍再四城只恐烏窮則啄獸窮則搏
此吾不以全勝之兵與必死之卒爭小輩勝也雖然小
敵之陞大敵之拏夫以千鈞之力壓於烏邨之上未有不

抑齋遺集卷之四

詞命

三十九 福溪藏板

爛碎者也以攻城之說姑置一邊或者鬆再顯党置之度外
且按甲休兵撫養士卒招下賢者延攬群才繕脩戰器練習
兵象教以坐作進退之法又薰之以仁義使人人有親上死
長之誠以之應敵順吾向者生悖吾向者死凡吾所恃者此
再他日再國之事稍緩貪心復萌或再加三四萬兵復來
則吾之所以待之者蓋綽乎有餘裕若再等不戰而自
捨何足道哉顧此二策吾意未決不知公等將以我置
之度外為上策也耶公等退而教之幸甚

諭清化等城書

史記全書卷十
丁未四月

諭再清化人安將校軍人等夫狗國亡軀乃人臣之大節論功行賞斯國家之典常今再等以忠義之心勇悍之氣敵王所愾屢顯厥功昔我本朝當先皇帝與隆之盛和占城逆命侵我邊邑乃祖乃父能輸誠効順圖報國家殺破賊徒復我國家疆土芳名偉烈簡冊昭垂今者狂明不道上逆天心黷武窮兵務廣土地生民荼毒二十餘年天運循環無往不復義兵一

折齋遺集卷之四

詞命

四

福溪藏板

起席卷長驅數月之間光復舊物惟東關一城賊渠王通遊魂殘喘徒再鷓張九我京路諸軍並前日翊聖左右天長天網等軍或列於南班北班之首或毗於天潢肺腑之親然亦未見其有輸忠効力樹立功勳者而再等以藩屏之臣克念乃祖乃父前日之功以盡忠于國家同心一力圖雪國耻戰勝攻取所向有功似此忠誠良可褒獎特令給賞以酬再勞再其勗哉

求封奏文

丁未天慶三年當明宣德二年八月相黎太祖得號胡翁者于老過國名陳顛稱為陳氏之後因權立為

帝建元天慶遣使求封于明

安南國先陳王三世孫陳暲大頭目黎利謹奏為求封事臣竊惟臣國僻居荒裔隻隔華風當太祖高皇帝龍飛之初臣祖先諸國而入貢特承褒獎錫以王爵自是世守封疆朝貢罔缺頃以胡氏篡奪覆臣宗祀上欺朝廷下重民苦上天降禍臣庶離心太宗皇帝弗忍一方荼毒興師問罪克平之後復復詔求陳氏子孫謂

抑齋遺集卷之四

詞命

四十一

福溪藏板

已死滅無可繼立乃復請置郡縣將陳氏子孫陳元禧陳師錫陳光祉等數十人起送回京盡行安撫仍開設都布按三司府縣衙門置官分治然其所置之官不體朝廷綏撫遠人之意乃專為刻民肥己之謀仁方面者不知大體昧於承宣踐烏臺者禁口無聲坐視民瘼其牧民之官則不以撫字為念而務意侵漁其將帥之臣則不以衛民為心而肆行凌虐至若闔宦之徒專以聚歛為意培克良民逼取金寶童山

竭澤搜索靡遺欲其泉貨之富則蠹民財以充丘壑
之慾欲麻宇之壯則奪民租而興木土之功公租之所
入者一分監臨之所資者過半官吏之愛民者絕無而視
民如仇登者皆是日甚一日民不聊生若水益深若火
益熱奈天高而朝廷遠下情不能上達而饑寒之
切于身禮義有不暇顧乃率眾以殺其官吏是蓋
一租出於不得已而冀少緩於水火之極耳臣竄身
在老過國十有餘年至是臣一國之人不謀而同辭乃

抑齋遺集卷之四

詞命

四十二

福溪藏板

自推請逼脅臣於倉卒之間不暇簡擇已俛狗舉
情以待朝命宣德元年十一月日臣還至本國見臣國人
已先將臣祖父境土盡行收復其新平順化又安濱州
清化前後衛昌江鎮夷市橋三江各處城池俱已開
城釋甲就將和鮮其衛所州縣等官并一應官軍
臣二收養秋毫無犯其總兵官王通陳智李安馬
英方政內官山壽馬騏等輩亦已與臣講解臣已
請王通等遣人齎書回奏然彼眾懼罪懷疑自不敢

行_臣等自知負罪深重進退惟谷然_臣竊惟自古聖人若成湯武王之伐罪吊民一皆出於天理之至公非有一毫私意於其間是以夏商雖滅而祀宋就封或討或命未嘗不體乎天後以漢唐好大喜功而猶且羈縻_臣國置之度外况我太祖高皇帝貽後條章明明在上太宗文皇帝許立陳氏子孫之詔書御筆未乾伏惟

皇帝陛下聖神文武睿知聰明好生之德既洽于民

抑齋遺集卷之四

詞命

四十三

福溪藏板

一視之仁罔有攸閒必同漢武下輪臺之詔必若唐太班新市之師必遵承太祖之條章必舉行太宗之明詔必赦_臣丘山之罪必寬_臣斧鉞之誅使_臣得守土南荒納貢天闕是則非獨_臣一人之幸_臣一國之人莫不歡欣踴躍鼓舞皇仁不啻若陽春之回枯朽溫風之解沍寒者也_臣當銘心刻骨効順輸忠奏表稱_臣歲貢罔缺另除差人齎捧表文進貢方物外未敢自專謹具奏聞伏候

勅旨

再與王通書

清化府知府黎某書復總兵官大人鈞坐前并列位
大人等昨日奉書未蒙回荅差來通事口說無憑
然前日之事既往難追自今而後悔不遠復大人倘能
念及安南一方之人匍匐無知不忍使其無辜而受
戮則前日之言可以不負矣

抑齋遺集卷之四完

抑齋遺集卷之四

詞命

四十四

福溪藏板

抑齋詩集序

陳克儉撰

先生上福縣藥溪人父姓阮諱飛卿號藥溪先生

中進士第二名歷官通章大夫大理寺卿兼中書

侍郎翰林院學士太子左贊善大夫國子監司業

賜金魚袋上輕車都尉先生諱薦號抑齋二十一

歲中進士第四名為中書御史臺正掌

范譜云胡末歸授徒

及北兵竊據公素善天文知我國真主興欲往

為輔被北人拘留城中常托國語首尾吟

其詩見國

抑齋遺集卷之五

事狀

福溪藏板

音北人見公大才欲得為用知公志不回愈加敬

遇後設計得脫去謁太祖高皇帝于滌江獻平

吳策是夜帝夢神人告以明日賚以良弼及

公來狀貌宛如夢中所見帝竒之特授承旨

學士置諸左右凡軍國機務委公籌畫及駐營

菩提帝命構層樓于菩提樹上與城對峙覘賊

動靜仍賜公侍坐第二層日草往復書諭各城

仍挺身入城五次講和通使却北兵還國及

大封功臣加公冠服侯賜國姓凡國朝憲章制度
禮樂皆公所粉飭歷官特進金紫榮祿大夫內行
遣門下省諫議大夫翰林院承旨八侍經筵知
制誥行樞密院事兼西北二道軍民簿籍詞訟
掌五經博士五衛禁兵掌中書國史三館事等
職有詩集行于世

和洪德十一年
庚子仲春穀日

抑齋詩集遺集卷之五

良亭楊伯恭編輯

後學方亭阮 定評閱

仲敷吳世榮考正

先生事狀考

陳少帝建新三年庚辰秋八月胡季釐試太學生季

釐自立改題用靈金藏取劉叔儉等二十人阮廌阮子

晉武夢原蘓憲阮誠皆與焉

抑齋遺集卷之五 事狀 一 福溪藏板

按登科註云公上福葉溪人二十一歲中今以甲子算之當生於陳廢帝昌符四年庚申上福青歲古屬國威見羣賢賦集

世編即葉溪云廌先祖貫鳳山縣即鳳支碍社古屬京

江府今海有陰宅在葉溪父應龍號飛卿登進士第二

名仕胡娶司徒陳元旦之女生廌寶飛熊驪四人年七

十三適明人之亂於公父子三人歸于萬山范譜作店

後卒于此次子飛熊父曉之曰我老矣任汝弟從惟吾平

生最愛拜望山山水骸骨歸壘足矣我觀天文二

十年後西方必有真王興汝宜決志于此雪國之

耻復父之譽正為大孝豈區區膝下以為孝耶公乃辭
回求夢于夜澤或作鎮武觀夢見告云藍山黎利為天子乃
尋到滬江遇黎太祖事之

世傳先生精于術數知我國旺氣當在清卒因往求
之及至藍山與太祖相遇情願為奴太祖收之居一年日
事耕作宿于舍外別無所見一日遇皇考諱日見太
祖即坐几切肉食之先生鄙為蜚乃辭去至楊舍津留
憇見明人數四在別館睹問此人何來其中一人謂先生

抑齊遺集卷之五

書表

二

福溪藏板

智士擇君而往既見其君再狐疑未定故去先生聞之
不以為意前往諫口渡留宿隔壁有明人夜出望見天象
常急呼同伴指示曰安南將星象已顯現吾輩當早去
不可久留同伴問是何如體貌意象其人曰他是虎
將多殺且飲食粗惡先生所之乃反藍山始細觀動靜
見每市太祖常買酒油携回先者酒多於油至是油多
於酒心覺之一夕索太祖於寢所不見即潛入林中登
高望見山頂中有一棧光照耀意太祖在焉乃登梯窺

在下

之見太祖與黎受共算太乙相語至亥年可云云乃呼
曰主上錯算矣太祖驚起欲斬之先生對曰某所以委
質主公只為此再何乃相失太祖擲劍曰家奴亦有
知乎曰某所素講明也太祖啓扉賜之坐命索之
先生布算曰百年即其數也自是凡有計議必與
之同先是太祖與同鄉黎受謀起兵未敢發及得
先生乃定詳見功臣黎受譜記

通史太祖初為可藍輔導和方閏胡篡陳帝居

抑齋遺集卷之五

事狀

三

福溪藏板

御讀經史究兵法守已待和迨北兵擒陳氏送金
陵郡縣我國帝潛有恢復之志虛已下賞散財養
士黎文安黎文靈裴國興阮鴈劉仁澍鄭無武威黎
柳黎車雷等皆一和豪傑並來歸附帝傾身禮接
密謀舉義和有杜富詐明官率眾逼帝投洛水今
水戊戌正月帝建義於藍山稱平定王命黎康黎掄
黎寧黎妙黎禮黎置黎汝箎黎弄黎固鄭磊鄭
悔黎免黎培黎車雷黎克復黎定黎朗黎問黎蘭

黎誑黎祐黎度黎謙黎禎黎林劉潭黎駘黎文
教陳運陳稱黎景壽范籠范葵黎察張雷鄭可
裴國興黎弩黎柳黎汝覽黎可朗武威鄭無劉
患陳忽杜秘阮薦黎文靈黎慎黎文安為相將
分率銖突勇士出與明人對敵和將微兵少而明
兵四萬五千餘人象馬殆以百數走八世沒今世
因住鄭臯夾哀牢地界人稀糧少路絕往來處
靈山世容幾十餘日以禹餘糧蜂蜜為食乃令

抑齋遺集卷之五

事狀

四

福溪藏板

遞牒文往告哀牢國王謂國家有欽奉大明頒
賜牒文可資五月兵糧并器械戰象速來謁見
受命頒行以免捉解若不如命即加差車里
老撾等六國進討哀牢懼聽命帝得其資軍
勢復振

丁未

明宣德二年

春正月平定王以翰林承旨學士阮薦

為朝列大夫八內行遣吏部尚書魚樞密院事和
王進軍瀘江北岸命將分志東都城攻圍益急於菩

提營構層樓高準報天塔登樓望城中動靜賜
廡侍坐第二層領旨草往復書札又遣降人曾指揮隨
廡招諭三江城其守將劉清等出降及柳昇敗王通等
在城困迫賈書求和諸將多勸王戮之惟行遣廡侍
坐帷幄見通蠟書言勿以一隅之地勞萬里之師俟用
兵如原征之數得六七大將如張輔等方可圖之縱得
之不可守之故廡審知虛實專主講和三從其議命
諸將解圍而退後通不待命而班師者以往復書詞

抑齋遺集卷之五

事狀

五

福溪藏板

諄切皆廡奉旨撰也邾王得胡翁之子陳暉遣廡撰
求封書差人進表乞立為陳氏後沐晟即行飛奏明
帝得表諭羣臣曰論者不達止戈之意必謂從之不
武苟得民安朕何恤于人言乃遣使封暉為安南國
王勅罷南征兵

見聞小錄云不戰而下東都以和好結局阮廡之
策史記云帝之用兵能以柔制剛弱制彊多致克
捷其又安順化西都東都諸城皆命文臣阮廡作

書諭之不戰而降

順天元年

蔡太祖紀

戊申夏四月平定王卽皇帝位命阮

鷹作平吳大誥

通史云戊戌帝為明將攻急駐鄭阜問諸將誰肯
易袍以代皆不敢應德江冊人黎來奮然願往帝
仰天祝曰後日朕有天下朕與子孫不軫其功願草
殿成山林寶印成銅神劍成刀兵來飛馬八陣為
其所執加以極刑賊遂退順天元年第為一等功

神州齋遺集卷之五

事狀

六

福溪藏板

臣命阮鷹載約誓詞藏于金匱

戊申順天元年二月定封功臣凡銜突火首軍人者
於隴崖勤勞有功等項該一百二十二人第一功賜國
姓黎歸黎毓等五十二人為榮祿大夫左金吾衛大
將軍爵上智字第二功賜國姓黎蒲黎列黎考等七
十二人為忠亮大夫左捧神衛將軍爵大智字第三
功賜國姓黎禮黎猷等九十四人為忠武大夫鉤鈐
大將軍爵智字分國中為十五道置行遣分掌軍

民簿籍

秋八月定功行封視功之高下定為等級以承旨阮
薦為冠服僕司徒陳抃為左相國樞密大使范文巧
為太保並賜國姓

二年己酉詔内外文武官有精通經史悉集會試其諸
府路軍人山林隱逸有通經史工文藝聽候省堂通
身八場中者選用題調用尚書蔡文靈監試御史
兼承旨阮薦是制帝御菩提營考試宏詞科題用真儒正直

抑齋遺集卷之五

事狀

七

福溪藏板

詩天下勤首取阮天錫陶公撰程舜俞潘孚先等六人

出登科錄武惟新原本

己酉二年立長子右相國思齊為國王攝行國事次子
梁廓公元龍為皇太子命武自總管文自行遣以上有
男九歲以上十五歲以下八侍太子武自同知以下文自
尚書以下有男九歲以上十七歲以下八國子監讀書
封拜功臣九十三員以次封縣上侯亞侯鄉侯亭侯
各有差

六年癸丑秋八月太祖崩葬藍山永陵十一月阮鷹奉
勅撰神道碑記

紹平元年

紀太宗

甲寅五月命阮宗冑蔡君實求封行

遣阮鷹掌作奏本成內密院叔惠學士景綽敬改數
字鷹怒惠以告蔡蔡察讓鷹鷹謝曰叔惠以措克小
才居天下樞要每有奏籍皆欲損民歸官以求合
上意故仆因事而發再非有所譏諷君相也奏告太廟
迎太祖神主祔命文武議除喪鷹請素服二十七日然
抑齋遺藁卷之五

事狀

福溪戒板

後除之

二年己卯有再犯盜七人當斬蔡察見其多殺心難之
帝以問承旨阮鷹鷹對曰法令不如仁義亦明矣今
一旦殺七人恐非盛德之舉書曰安汝止傳曰知止而後
有定臣請述止之義使陛下聞之夫止者安所止之謂
如宮中陛下所安也相或出幸他所不可常安反歸
宮中然後安其所止人君於仁義亦然以之存心而
安所止相或威怒終無可久願陛下留心臣言於是

蔡銀等曰卿有仁義能化惡為善煩以付之遂使虜
與天爵等各保受其囚虜曰彼頑猾孱童朝廷法制
所不能懲况為等德薄安能化之以乃斷斬二人餘
以流論

帝日與近習嬉戲大臣欲勸學乃議奏以阮廌程璜
俞等文臣六人八侍經筵帝還其奏

四年丁巳春命阮廌與鹵簿司監梁登督作鸞鈴
樂器教習樂舞為進石磬圖因奏曰夫世亂用武

抑齋遺集卷之五

事狀

九

福溪藏板

和乎尚文今興禮樂此其和也然無本不立無文不
行和平為樂之本聲音為樂之文臣奉詔作樂正
敢不盡心力但學術粗淺恐聲律之間難以諧和
願陛下愛養元元使閭里無怨恨愁嘆之聲斯為
不失樂之本矣帝嘉納之

夏帝欲觀胡氏手詔及詩六阮廌為米錄得國語數
十篇上之

阮廌奏曰比者臣等與梁登同校定雅樂而臣所見與

梁不同願回所命初太祖扣命既薦定冠服制未及
施行至是梁登上書畧陳曰夫禮有大朝常朝如郊
天告廟聖節正旦則行大朝禮皇帝服袞冕升寶
座百官具朝服朝冠如初一日十五日則皇帝御黃
袍衝天冠升寶座百官具公服幘頭常朝皇帝御
黃袍衝天冠升金臺百官著常服圓領烏紗帽夫樂
有郊樂廟樂五祀樂教日月交融樂大朝樂常朝樂
大晏九奏樂中宮樂不可一槩用之一鹵簿大駕如鸞

抑齋遺稿卷之五

事狀

十

福溪藏板

輅則大輅象輅馬輅有九龍輿有七龍輿有步輦有
飛輦如儀仗則金戈斧鉞幢幡旌旗節幃扇五方
蓋駕馬隊伍皆有多少之數臣不勝盡錄書奏帝
又命登定之登因進冠服制樂器大抵登與薦所定
多不合其議樂器輕重大小多相違奏不同故薦辭

其事

人物誌云公辭不與事歸
築室於至靈崑山相奉朝參

頒新定聖節正旦朔望常朝大晏等禮儀註初帝命
梁登定大朝諸儀至是成進之乃命傳寫儀註懸于承

天門外帝謁太廟百官著朝服行新禮自此始行遣
阮薦參知簿籍阮傳陶公撰阮文絢參議阮了等上
疏曰制禮作樂必待人後行如周公而後無間言今
使小監梁登專定禮樂國得不辱乎且彼所為欺
君罔下無所憑據如鼓鳴人早報朝扣令君出班定
乃鳴古制君出扣左撞黃鐘之聲而右五鐘應之君
八扣撞黹寘之鐘而五鐘亦應之今臨朝鐘一百聲
是和尚數珠之數如用明國制君坐奉天門則有金

御齋遺集卷之五

事狀

十一

福藏板

臺奉天殿則有寶座今只有會英一殿復有金臺移
轉不安重設亦不可是皆何等禮儀夫造車則前簷
後戶今開戶在前其制如此乎人君出警八蹕此禮
之常今閣門唱奏事畢百官退君尚坐而蹕人始鳴蹕
何也且登小監繞步御座近君之側臣竊疑之

大寶三年¹⁴⁴²壬戌會試二月初二日⁵⁻³₁₄₄₂上御會英殿親賜
策問翌日讀卷官翰林院承旨兼國子監臣阮薦中書
侍郎臣黃夢荀內密院同知院事臣程舜俞國子監

博士臣阮子晉奉卷進讀第其高下賜阮直狀元阮如

堵榜眼梁如鵠探花郎陳文徽等七名進士吳士連等

二十三名附榜

出進士題名碑記 銜題春臺賦阮直阮維則程文徽三體具有考官批評見羣賢賦集

七月帝東巡閱武于至靈城阮薦邀駕幸薦御崑山

寺駕回天德江八月還至嘉定大來荔枝園與氏路

通宵而崩

初帝愛公妾阮氏路容貌文章之美召八拜為禮儀學士日夜侍側

人皆言氏路弒

廷議殺薦

世編云初八月十六日公年六十三門人歸葬鳳山三炭山

及氏路罪三族又以

薦臨刑悔不用丁福丁勝之言并殺之

范譜云公將改漢不用黃福之言蓋

抑齋遺集卷之五

事狀

十二

福溪藏板

黃福嘗教公改正葉溪祖墓故也初誣為不用丁福丁勝之言并殺之耳

世編云初胡相公道遇氏路

范譜云御天海潮人其社有廟祀之余在先興嘗經其地問之

無納之後太宗立聞其美召八及東巡宵侍帝崩

朝議夷三族其側室瑞獸村人范氏敏有服三箇

月迹之益性蠻居期而生鸚鵡因家焉

范譜註云本縣先賢祭籍

亦著公姓范弩衛瑞獸村人所生二男其正室陳氏之子歸本鄉復姓阮次室黃氏之子真鳳仍留瑞獸從范姓

附考史畧云薦之先祖三世家有園有蛇穴園裡公

一日卜居約刻為室此夕公夢一婦抱子至乞緩三

日容他尋徙地及早未起諸童會至平其地見一蛇截其尾得二子殺之公既醒起悔不及是夜讀書忽有點血汚及三紙公大驚知其報在三世及公薦既顯常朝回過席肆見一女色殊異納之女名路姓既能文章貫經史帝愛之常召入侍至是夕乃弒帝薦得罪誅女臨刑化為大蛇入水而逝聖宗光順四年壬午勅諭大臣文武百官等昔我太祖櫛風沐雨以定天下相則佐命勲臣特賜國姓用

抑齋遺集卷之五

事狀

十三

福溪藏板

示殊眷子孫傳襲日夕恐失原祖之姓有乖教人以孝之道今後凡功臣子孫並依原姓范公毅又奏功臣賜國姓並許改從本姓使澄天潢之宗派明族氏之本原帝從之準前功臣子孫還祖父姓

五年癸卯未甲申秋七月賜阮薦子鸚鵡縣職

范譜

即姑馱族譜也

云初太宗立阮薦復參預朝政嘗以

功成身退為念帝命提舉昆山資國寺年六十乞謝事許之後復彊起命仍舊職兼中書省三館

事相黎察叔惠等用事尤多媚嫉會掖庭婕妤吳氏玉璫有服夢金仙童降生事聞宣慈太后愈加怒懟遂以女巫家奉觀音佛為女惠妃求寵事出史記連及婕妤姪好坐擬流薦使氏路奏請收監從之旨下居徽文寺公使人贍養之滿月生思誠后恐猶未釋氏路知之暗告姪好適后知而啣之及帝東巡幸薦家與氏路通而崩后遂誣告氏路逆弑罪公三族後思誠封壽王姪好自廣安來具以塵中言之王

抑齋遺集卷之五

事狀

十四

福溪藏板

即位是為聖宗

乃詔求子孫錄用却鸚鵡

已中光順秋試以下出世編返回

應命擢同知州

范譜作西真縣歷授參政號漱軒先生世編作松壑

追贈公贊疇

伯免還祀田百畝其子孫封蔭與國同休至今苗裔為十三世云鸚鵡生男二長祖鑒進士為安邦承政奉使道遇蛇報次祖鑒中式生茂直典簿茂直生男二光賁知府光質中式亦有屋居玉山巡邏峯羣村余前往過其地族人示譜記見與世編同又有移居海陽春育有必做舉紹治進士歷官宣光按察使又一支在炭山亦稱先生苗

齋嘗向余言之

附錄聖宗母吳氏夢天帝命仙童降生童乃請良配女指屏右玉女曰以與再玉女笑不語夢覺而生帝初公廡有女以孥律充官婢没入教坊歌妓年二玖色絕美啞不能語有一夕隨儕侶入內侍唱坐按拍子衆女以次起無一稱旨帝指女曰此坐後何不起女應聲唯登而歌極雅致與鈞天佛彷彿似后在坐見舉止與玉女無異因納之甚得寵

抑齋遺集卷之五

事狀

十五

福溪藏板

八年¹⁴⁶⁷丁亥三月命求故翰林承旨學士阮廡詩文遺草
洪德十五年¹⁴⁸⁴甲辰勅旨開國功臣子孫係順天年間有功官一二品其子孫猶在軍伍許投告本處承二司備奏送兵部覈實身材堪用者充錦衣衛俊士

憲宗景統三年¹⁵⁰⁹勅旨順天年間開國功臣自三品以上子孫已充軍伍各色許投告兵部覈實充錦衣衛俊士能讀書者充崇文館儒生三品以下充武林神臂等衛

襄翼帝次順四年勅旨係開國功臣子孫族屬在軍
伍許將祖父勅命投告該處勘實識字者克崇文館
學士不識字者克錦衣衛俊士是年六月二十七日贈

濟文侯制文

出世編以下

順天承運皇帝制曰朕惟法殷中而制治思弘率祖
之圖稽周載以收功式表安邦之哲肆頒如綍增煥
若堂乎吳開國功臣贈特進金紫榮祿大夫贊疇
伯柱國阮廌體用真儒經綸碩畫我高后藍山

抑齋遺集卷之五

事狀

十六

福溪藏板

起義肇成興越之基和寧人滬水從戎茂展平吳
之績聞望特高於四海訐謨備見於兩朝雖和運
之不齊難窺玄理然勲庸之必著具在丹書昔
朝既侈於厚恩今日宜加於異數是用易其伯爵罷
以侯封于以旌偉國之英猷于以顯濟和之實學於
戲龍虎風雲之會猶憶前緣文章事業之傳永
垂後世可加封累代功臣特進金紫榮祿大夫濟文
侯柱國

熙宗永治二年秋七月定諸臣及文武百官髡蔭例自永祚初官軍以從回鶻遠發全一切預封功臣獲賜世蔭頗多至是定例創業與中興功臣或自都督以上文自侍郎以上並賜累代功臣官員子孫其兩班武自三太至都僉文自尚書至侍郎並得五代蔭餘以次第減武四品以下有軍功歷受勅令文中撫有佐式有歷調方得諸子官員初受只髡一男從官雜流各職與各門衙吏正出身生徒之半五十為老項六十為老髡

抑齋遺集卷之五

事狀

十七

福溪藏板

裕宗保泰二年八月議行武學武選法設武學所教授官令功臣及諸臣子孫皆入學習武經戰畧與諸武藝歲以春秋遞月小習四仲月大習春秋習藝冬夏習文教教授官舉中者調用準定三年一試九天較藝一馬稍二劍首三舞刀終場試方策合格者引入府庭覆試隨高下取用

定國學鄉學試考要法國學以祭酒司業為講官文
武功臣子孫並聽與士人入學每月學官一小習考
諸生入學者四仲監官一大習考諸生與舉人四課
預中聽監官保舉吏部除仁鄉學許校官教習本
府生及童生俊秀之願學者月二課中八期者生考
免歷考童生更許八場鄉試許縣官考覈士人舉
額以大小中縣為限大縣二百人中縣一百五十人小
縣一百人所類撮尤引納府尹二司詳考有稍通
次通之別並聽相鳴比以定其優劣

抑齋遺集卷之五

事狀

六

福溪藏板

三年定功臣文武法例相開國功臣世父蔭遠詐
冒者衆慎德弘定閒諸臣以扈從回鑾賜功臣
號襲蔭亦多濫雜又文武子孫饒蔭因循沿襲
等級未明參從公沈請釐正從之

四年九月定開國中興功臣饒蔭例

初設武舉科以子午卯酉所舉辰戌丑未博舉
並三年一試其法先畧問武經後疊校武藝終

場試策一道較藝預中為生員官員子孫為弁生策
試八格為學生官員子孫為弁生合式博舉終場中
格為造士許同進士叙用三場預撮取亦與同用

裕宗永盛六年九月二十六日準給免還田令

大元帥總國政安都王令旨上福縣藥溪社功臣孫
姪團叙榮成廉履外孫阮佃黎政同族等乃前祖
平吳開國功臣特進金紫榮祿大夫八內行遣門下省
右諫議大夫翰林院承旨大學士兼中書翰林掌六部

抑齋遺集卷之五

事狀

十九

福溪藏板

尚書國子三館事亞智字賜金魚袋濟文侯柱國阮鷹
賜姓黎阮鷹多有勲勞有免還田在古賢社九畝一高
在羅浮樸洞等社三十畝九高共四十畝累奉仍留與子孫世
守祀事已經查寔等因應仍給上項田付還孫姪阮
庭光監守均分耕蘇以供祭祀表前勲其奉差徵
收并所該及各社民當奉郝別員人不得妄爭違者
有國法在茲令

一所在本縣古賢社田共九畝一高
洞等社三十畝九高共四十畝

一所在本縣羅浮羅淵樸

永盛六年九月二十四日

給許本縣古賢社九畝八高玖尺六寸令旨同
又給許在天本縣不移社十五畝五高令旨同

懿宗永佑五年旨令宗室功臣苗裔有能糾率家丁
及召募從義願隨攻討者聽其啓聞給糧械差行隨
功賞擢

六年錄用前代功臣子孫

相明王襲位

顯宗景興三十二年夏命政府審覈職色鄭王森卿

王以近來各職紊雜凡諸白丁受雜職色並令正堂

抑齋遺集卷之五

事狀

二十

福溪藏板

查實

三十三年十二月定功臣饒蔭例

顯宗景興二十八年八月初八日晉封大王勅

勅平吳開國推忠贊治合謀保正累代功臣特進金
紫榮祿大夫八侍行遣門下省右諫議大夫吏部尚書
掌六部事翰林院承旨大文子士魚中書省兼翰林
院事知經筵三館事亞智字賜金袋濟文侯封
贈太保溪郡公加封應義建謀濟艱定難宣猷迪仿

匡弼張辟贊聖翊運顯功揚烈大王盖世勲勞格天
功烈相佑妙宣睿德為國張不死赤心悠長默相洪
圖扶三儼猶生素節永記具存祀典加封蓋舉彛章
為嗣王進封王位臨居政府尊扶社稷鞏固洪圖禮
有登秩應加封可加封

云云
如上

宣靈延慶大王故勅

景興四十年五月十六日
加封佐治廸猷勅文同

皇朝嘉隆元年八月初五日收錄功臣子孫詔

詔舊黎功臣子孫等欽知粵自黎太祖平吳開創迨夫莊

抑齋遺集卷之五

事狀

三十一
福溪藏板

宗滅莫中興多有佐命元勳厥後黎祚式微西山扇亂其
功臣子孫舉皆沈抑茲我勵志殲仇削平亂畧近念前
代功臣所當存恤特詔頒下係黎朝開國與中興功臣經
受加頒褒美叢蔭諸誥勅應許子孫遞還金花殿學士
清玉侯核實轉奏限十五日內事畢得憑議行收錄以昭
厚道欽哉特詔 是年九月初九日準頒祀事饒夫詔
詔舊黎功臣後裔阮爽欽知再之先祖太保溪郡公
阮鷹翊贊黎朝平吳開國考功第一經加蔭爵永保

同休迨西山崩亂黎祚告終再祖家聲下同編戶茲
一戎大定四海永清既誓崇德之文並舉錄功之典准
頒再為饒蔭蠲免身庸搜另諸務世守阮廌祀事並許
擇族內二率為灑夫除免搜另其身庸受納依例以昭
恤典欽哉特詔

明命三年六月十七日禮部奏駁襲蔭議

禮部為題覆事本年二月二十三日北城總鎮臣奏叙
明命二年十一月城轄山南鎮公府縣社公奏稱前祖

邦齋遺集卷之五

事狀

二十二

福溪藏板

太保溪郡公阮廌乃舊黎平吳功臣該父某乃其後
裔壬戌年蒙得詔頒饒蔭並族內灑夫二率庚辰病
故彼乃某長子乞為饒蔭繼守祀事經飭兵曹臣究
實由部覆奏等因臣等奉查阮廌是舊黎功臣
一勅功伐其子孫蔭封三百餘年食報亦云既厚於
嘉隆元年詔准饒蔭亦為格外隆施非分之恩未易
數得况世代遷革知異事殊似不應援例陳乞奏擬
平吳開國功臣後裔某奏單應駁惟阮廌祀事舊准之灑

夫業已成額似應准許依舊二率十一月十九日奉
旨所議是准依議欽此

明命十年二月初三日禮部議停襲蔭灑夫疏

禮部臣等為議奏事明命九年八月二十六日奉

上諭舊茶開國功臣後裔嘉隆年間蒙得饒蔭係

奉一冊特恩非有定例其應否繼襲饒夫之處著禮

部查明詳議具奏候旨欽此欽遵臣等竊思賞延

于世所以昭厚道而答崇勲惟於國家有大勲勞

抑齋遺集卷之五

事狀

三三

福溪藏板

然後可以膺殊報查各處饒蔭等之先祖翊扶王運
誠為有功然於本朝未有尺寸之勞也奉

世祖皇帝追念勝朝勲舊准該後裔為饒蔭使之

承祀所謂係奉一冊特恩誠如 聖諭殆非可以援

而為例也奉擬凡現存十三名聽其免除及身而止

至如已故之二十八名均無庸承襲嗣後不得邀請再

該等先祖祀事間有奉准二人為灑夫茲請并行停

罷其原頒饒蔭詔文各道係奉

先朝恩給該族奉之為世寶其應否收銷之處伏候
勅下施行謹奏

本月初五日奉旨故黎功臣殊非本朝功臣者比若槩
與襲蔭則何以示區別乎所請原領詔文該四十二道
著卽行回納由吏部化銷現在之饒男十二名著禮
部換給憑照各一道餘依議欽此

嗣德六年正月十四日

勅宣靈延慶之神護國庇民稔著靈應肆今丕膺

抑齋遺集卷之五

事狀

二十四

福溪藏板

耿命緬念神庥可加封贈俊邁剛忠中等神仍準上
福縣古賢總葉溪社下村與神後裔依舊奉事神
其相佑保我黎民欽哉

評論諸說

聖宗製瓊苑歌詩云。抑齋心上光奎藻。原註承旨冠服侯阮
薦號抑齋於潤胡登第。聖祖創業之初。滬江歸附。內則贊
畫帷幄之籌畧。外則草諭列城之文書。萃國詞章。罷仁
益重。

正和冊封清使周燦使交吟有云。衣冠人物重南疆。自註理
學則程泉武。睿經濟則莫捷之阮忠彥。阮薦梁世榮。稱
文學者頗衆。

抑齋遺集卷之五

評論

二十五

福溪藏板

厚齋阮氏曰。阮薦之學一出於正黎朝賢。行文章之巨俊也。
觀其以仁義而安所止。以和平而為樂本。太宗嘉納。皆
底于行文章制度。燦然可紀。紹平大寶之間。國中彊盛。
遠方畏威慕德。咸輸誠納款。以觀太平。薦可謂無負當
朝之責望也。

杜氏儀曰。濟文侯文章德業。朱文貞之外。當與陳之明道。
昭明相伯仲。侯初在陳。擢進士第。及明人入國。惟以宗國
為念。雖明之高官好爵。招之不來。西堂之枕。季悠告以

善提水潤天下太平諒江之愛與道徵王告以碧水青山

真人者出因之以識塵中天子焉迨其決策歸黎而利王

薦相之謠興

越甸志靈註云屬明朝相陳元打微甜以賣油為業至三良祠日暮寄宿四更未聞有祠內人相語稱天庭保

舉藍山祠主黎利為安南國王葉溪阮厲為輔

此相已有公輔之望明良契會魚水相

歡太祖萍倚天之劍

藍山記黎慎常拋網於藍江得片鉄如刀長一尺餘置暗處有光太祖取以歸次日復得劍柄以合

其劍不差尺寸

萃同德之臣而公之制誥勅諭有以激國人之志表

書往復有以得明人之心卒之南北罷兵天書山河截然依

舊黎之所以得天下者皆公之力也及事太宗英謀壯猷

抑齋遺集卷之五

評論

二十六 福溪藏板

出人意表越南輿地志則疆界之別詳矣郊祀大禮記

則事天之孝彰矣廸上心則有仁義之言石磬之圖厚民

生則有訓導之書總倉之積使天不生黎黎察於其間公

得與李子晉阮天佑阮有錫潘天爵諸君子以斯道相

天子則唐虞三代之治可復見於當日矣惜乎天未欲

平治天下故公終於東道行遣不究所圖非公之不幸

乃黎生民之不幸也

杜氏曰自紹平元年以後黎察執國政引進同類布滿朝廷

財利法制開導上心至是公得召見仁義安止之學
禮樂教化之書各以當道引君而太宗慨想堯舜之
心油然而生商議之底行訟獄之寬貸訓書之褒美雅
樂之命定紹平之間世用丕平使薦得居相位則早不
誦經雷不設醮而天變可回也惜乎薦之學不得盡
展於太宗之朝而薦之言不沒於史錄者皆可為有國之
常法此所以郊祀山陵大祀記及輿地志既不毀於延寧
而又夢想於光順也

抑齋遺集卷之五

評論

二十七

福溪藏板

蘇世輝群賢賦序云自陳朝迄今縉紳無慮千百而詞
章鳴于世者有數焉阮公汝弼浚其源陶公師錫導
其流李拙庵阮菊坡數公之揚其波陳密寮阮抑齋諸
賢之助其瀾天下雄文莫大於是所謂水之江漢星之斗牛
者也 相保泰

吳年峯曰陳季之士阮抑齋乃其最他如阮子晉武夢源
潘孚先阮天縱諸人亦卓然為一相文章巨擘

見聞阮錄云薦以奉肅侯外孫阮飛卿之子胡朝進士闈

稔矣。滬江謁見，遂受知遇。飛書草檄，一世獨步。位尚書
階，功臣觀其輔政，兩朝盡忠納誨，屢見阻抑，曾不少
屈。處其洿灌之間，殊費調劑而昧於止足，更不令終
悲夫。遠孫曾出其追贈制，有曰：風虎龍雲之會，猶憶
前緣。文章事業之傳，永垂來世。蓋佐命元勳，千古自
不泯云。

通史藝文志序云：我國號稱文獻，上而帝王，下而臣庶，莫
不各有著述。會而總之，不過百有餘帙。當陳盛和文

抑齋遺集卷之五

評論

二十八

福溪藏板

雅彬彬，典章極備。藝宗初占城，八寇燔掠殆盡。是後
稍稍收集，逮閩胡失守，明張輔悉取古今書籍，送金
陵。本朝扒亂興治，阮抑齋李子晉潘孚先諸名儒相
與搜尋，典寔採括遺文，兵火之餘，十存四五。

裴存庵雜說云：凡看文字，當辨其言之醇疵，考其人之
能否。如張漢超黎适為文志，排異端以振頽俗，陳廷
琛黎公廡號能詩，或行已有耻，不辱君命，或卓有經
濟之業，莫撻之以賦稱，亦有清節。阮直善四六，而遇

變不渝謙恭自保君子所樂道者類此若浮詞無味與
文勝於行者無稱焉 又曰順天洪德之間以詩名
數十家詞警意健不忘君親則黎公薦有奇槩則
李公子構酬奉得體則申公仁忠清遠則蔡公順情
致則黃公德良尤為人所稱道

范立齋撰祠堂帖云事業文章開國首旂常帶礪故家
聲功存開國藍山錄慶衍傳家故邑祠英雄氣魄依
高廟翊濟勲勞感聖朝功齊藍岳千峯峙慶共蘇

抑齋遺集卷之五

評論

二十九

福溪藏板

江一帶流

見聞錄云陳朝賦多奇偉流麗韻致格詞殆類有宋今
所存者只有阮汝弼陳公瑾史希顏范鏡溪莫挺之
張漢超阮伯聰陶師錫阮飛卿段春雷諸賦體十三
篇見於群賢賦集中而已

人物誌云公以文章謀畧得君經世為開國第一功臣
晚路閑退尤無貪戀之意獨以妖女業報卒累功名
當相咸惋惜之然事以論定是非自明聖宗詩云抑

齋心上光奎藻蓋深嘆羨之也

天南實錄云柳齋佐太祖定天下。一勅命令文書多屬公筆。其作平吳大誥文有曰。遂使宣德狡童。黷兵無厭。蓋深惡明人擾害我國。故斥明帝號也。北人見之。批云。作此文者。子孫必不全。其後因氏路染禍。人以為驗。先生姜氏路俗傳。乃蛇妖化身。少知文辭。甚麗。尤善國語。唐律詩與公鳴和。所作以百篇數。世不得傳。其和公情字詩云云。後遂為先生稼禍。其風稜畧見於此。

柳齋遺集卷之五

評論

三十

福溪戒板

桑滄偶錄云。先朝濟文侯黎公。為號柳齋。先生原姓阮。父寺卿公。飛卿。鳳眼人。少好風水。嘗扞先墳于上福之藁溪。因家焉。公舉胡朝進士官御史。臺正掌胡亡。隨寺卿公避寇崑山。有夜。依牛斗望中原之句。其悲。和憫世之心。往往見之。放詩。和山西霍沙人陳元扞。以賣油為業。暮過瑞香宿禧康大王李翁仲祠。夜聞隣邑神邀王偕朝帝所。王辭以國公寄宿。鷄鳴朝回。王問今日議事有何號令。神曰。上帝以南國

無主命黎利為君黎薦為臣陳覺物色之得公以告公往叩之夢王曰天庭秘事所不敢洩仙容姊盡知其詳且婦人之言上帝不之責蓋具盛烈冥金一萬啗之公如其言詣仙容主夢主呼曰黎薦黎利為君黎薦為臣獨未之知乎細問之曰清化藍山人也公偕陳往候太祖方短葛荷鋤驅黃牛自田中反留信宿值先諱烹豚治具公竈下執爨見太祖操刀割肉且割且啖私謂陳曰仙容主給我矣辭去謁主柳齋遺集卷之五

評論

三十一

福溪藏板

而索之金主曰黎利為君業有成命但天星未降耳盍再候之朝太祖始得兵書神劍夜閉戶觀書公潛窺之偕陳推門入太祖伏劍出皆伏地曰某等跋涉而來以明公能為天下主耳太祖笑留之謀起兵公曰未可築館授徒嘗製小鼗鼓及燕濃蜜捏做鷄犬形使童子弄以為戲他兒見之覓請其父往從學又嘗濡脂遍書山中木葉曰黎利為君黎薦為臣虫蟻食之穿成字畫採樵者見以為神更相告語以故歸附

者日衆戊戌起兵前後九二十餘戰公嘗參謀帷幄丙
午戰於寧洞大捷進逼東都明成山侯王通櫻城拒守
丁未明遣安遠侯柳昇黔國公沐晟分道並進以拔
東都帝與戰于馬鞍山斬柳昇生擒黃福崔聚等三
百餘人沐晟宵遁王通開門降縱使北還自是通好
詞命皆公所拱紹平初除官謝表云轅門仗策臨大
節而半生忠義自知虎口填身決和議而兩國干戈以
息其實也以功賜國姓授榮祿大夫八內行遣知三館

柳齊遺集卷之五

評論

三十二

福溪藏板

事陳後爵至國公以聖宗見忌舉家投於江今祠在
霍沙公文章渾灑有氣力順天閒平吳大誥永陵神道
碑諸作紹平初贈昭儀為皇太妃制皆繪於人口常以
事下獄尋赦出之累陞門下左諫議大夫兼翰林學士
承旨爵濟文侯性恬淡有接隱之志其贈友人詩曰身
外浮名烟閣迥夢中花鳥故山幽有別墅在京北曰蕉
園紹平末候命關上報太宗皇帝北巡駕幸蕉園是
夕崩人以為公妻氏路所弑公遂以此得禍初馬鞍之

戰獲明尚書黃福黃善風水在我國相悉為鉗記至是
見獲公以俘虜故不之祖黃笑謂曰吾祖墓有赦文星
百日難耳不似君家夷滅禍也公弗信後黃得放歸而
公因妻染禍人以為驗今按公祖墓在藥溪穴壘在平田
或以為將軍展旗格或以為斫頭將軍形未方龜山
其尾反射黃尚書鉗斷云藥溪脉短禍慘誅夷蓋指
此也世傳公未遇劫在藥溪授業常指野外一岡謂諸
生曰明當拔除以構精舍諸生諾昧爽夢見一婦曰身
弱子幼容三日徙馬可也既覺馳視野外已悉工矣
獲二卵問其故諸生曰頃見一蛇擊之斫尾去公袖其
卵歸字之是夜秉燭讀書一白衣婦人緣屋梁血滴
其書濕代字污及三頁公悟日報在三世後蛇子破卵
去一長一短公命放于旁邑蘇瀝江今為江神公既達
朝回過葦席肆遇一女色殊麗以詩詞相諷悅而納之
紹平中嘗往來宮掖太宗皇帝命為女學士晏駕相
庭鞠之女曰公所教也遂底公法臨刑女化為蛇入水去

妾^某氏逸山南，匿于人生公子鸚鵡，以之居。停主人知其為公妾也，光順閒，聖宗皇帝嗣位，愍公冤，下詔洗雪，追贈太師濟文侯，訪其後，得婢生子，以歸，授知阜州。後奉使過洞庭湖，水中出一蛇，風濤大作，知州公請濟國事，風濤頓息，覲還，至洞庭舟覆而沒。子孫世襲功臣孫濟文侯贈封制及禱神圖，至今尚存，並用絹箋制詞畧曰：風虎龍雲之會，猶想前緣；文章事業之傳，永垂來世。詞氣渾厚，彷彿明太師文成侯贈制云：圖經屢

抑齋遺集卷之五

評論

三十四

福溪藏板

袿約畧可認，體貌豐厚，額頗短窄，戴馬尾包頂，著青錦袍，神態猶可想見。景興中，修民政簿，庭議欲省開國功臣恩澤，閱公勅，戶部侍郎榜眼黎公貴惇碎之曰：亂臣賊子，何誥勅為也！語未竟，奄忽睡去，見二卒逼之，至一所，垣墻繚繞，古木大十圍，殿上龍椅數十，右廊設榻，一文官幞頭補服坐，左右林立，率導榜眼公，八跪于階下，榻上厲聲曰：我濟文侯也，初學少生，何故妄尔！我先朝勲舊，罪死不赦，榜眼脅息，不敢仰視，傍有一員，涼

巾青吉服代為懇請良久乃得解語曰我功名事業
不屑與子較子平日以甲第驕人歸讀平吳大誥若能勝
此碑勅不為過矣榜眼公覺亟寫故敕還之諸功臣遂
得不省噫公之勲烈如此而不能保其身子孫誅滅殆
盡芻狗土龍古今同嘆可慨也夫

舟輪祭酒范好瑛家
藏相傳黎未所撰姑

存之以
待考

接賴氏風水志云穴在藥溪龍來甚遠比結局樓樓閃
閃活水生蛇微如灰線忽起木星棱再齊整結成好穴

抑齋遺集卷之五

評論

三十五

福溪藏板

兩傍牛耳硬砂各出數片以衛真氣左伴出土星當面
作案案下出一條陰砂為不現官局內團圓群沙猷秀龍
虎排牙小溪開鑿左遮右護為印為劍為幘頭為文筆
為神童侍立為將軍出陣多合貴格堊後公之父登閩
胡榜眼公即阮某少號神童後從黎太祖平吳為帝師
其後子孫又中進士

文臣黎薦詩序云薦上福溪溪人父阮飛卿中陳朝
進士生薦二十一歲中胡朝進士第四名胡氏失

馭吳賊南侵公有志於救民遂至仙容公主廟前懇告
吉兆有祝告文夜夢見仙容公主告云上帝已擇藍山人
黎利為天子遂尋八藍山和吳兵據可藍城中太祖夜
夢神人賚一良弼及薦來見太祖于滬江宛然如夢中
所見因獻平吳策至太祖在菩提營增築層樓賜侍
坐領旨草書檄遺各城及與吳人往復挺身入城者五
次當制憲章法度禮樂刑政皆在所定仕至吏部
尚書八內行遣門下省翰林院承旨大學士八侍經

抑齋遺集卷之五

評論

三十六

福溪藏板

筵行樞密院事掌五經博士兼中書國史三院事號抑
齋先生有抑齋詩集王堂遺稟并平吳大誥皇朝
章表行于世晚年娶氏路為妻氏路粗知文學八侍太
宗拜為禮儀學士日夜侍側及帝東巡還至嘉定荔
枝園與氏路通官而崩大臣鄭可阮熾等殺之連及阮
薦夷三族收田產八官至洪德年閒始免還再錄用子
孫封阮薦為濟文侯世傳薦鄉有大陂有大蛇常為
人害其祖教學謀計殺至薦妻氏路腹下有三鱗及禍

至虜人以為蛇之報怨其孫過洞庭湖再遇蛇報至
子孫猶有戒心

勲賢阮薦傳云

出潘氏歷朝
憲章人物誌

阮薦號抑齋弱冠以文章

名世經史百家及韶畧兵書無不淹貫年二十一中閩胡
庚辰科太學士父子同科登用官御史臺正掌未幾
明人南侵二胡被執父飛卿亦為所虜公僅以身免總
兵張輔逼飛卿為書招之公不得已就降輔知不肯效
用欲見殺尚書黃福奇其貌釋之留東闕城閑駐劄

抑齋遺集卷之五

評論

三十七

福溪藏板

故臣領興化軍迎立重光帝以圖恢復黎太祖亦遙應
詔書起義兵於藍山卿累敗北兵軍聲稍振公憤明人
貪暴思拯生民欲擇真主事之而未知所向乃脫身去
投宿於鎮武觀懇求一爰以卜去就夜半聞神語曉
以太祖姓名遂決意西求潛入清華至滬江行營謁猷平
吳策太祖置諸左右參謀帷幄累進翰林院承旨學士丁
未春加朝列大夫八內行遣吏部尚書兼行樞密院事
諸與明人往復文書與各城曉諭皆奉擬撰帝既放

明人還國奉撰平吳大誥戊申春定功行賞進爵冠
服侯預賜國姓癸丑春奉撰永陵碑文太宗紹平初諸
大臣擬以公與程舜俞等八侍經筵輔成君德奏不諧
又奉擬樂與宦豎梁登不合遂辭不與事歸築居於
至靈崑山相奉朝參大寶壬戌年六十三秋以氏路八侍
毒殺太宗庭論及三族有妾相方懷孕隱遁得免尋生
子鸚鵡聖宗相軫其冤賜之縣職贈公濟文侯所著
有玉堂詩集世傳公卿大陂土阜有巨蛇樹木蓁莽邑
抑齋遺集卷之五

評論

三十八

福溪藏板

人不敢剪伐公祖愛其風水結構書堂於上門童艾穢
誤殺是蛇蛇精埋悉托生氏路脅下有鱗公少相道遇於
武陵悅其才色納之及當國凡語書詞命與之潤色太宗立
聞其名召入見拜為禮儀學士相公年老欲歸崑山閒
養累請不許乃留氏路內侍帝許之東巡日氏路宵侍
帝崩乃獲罪臨刑氏路走赴水人以為蛇毒之報

抑齋遺集卷之六

國書寶訓大全

輿地志

阮天縱集註

阮天錫謹按

李子晉通論

紹平二年¹⁴³⁵上德教遠加四鄰有邦咸來朝貢行遣或

侯齊文黎廌乃作書達于王曰我國肇有山川東際于

海西抵于蜀南至占城北至洞庭

行遣官名本朝任重惟宰相與行遣再上福葉溪

人阮廌封濟文侯號抑齋蜀國名今雲南省是

抑齋遺集卷之六

地輿

福溪藏板

占城古胡孫國是洞庭湖名楚地周迴八百里四望

無際日月出入其中閩廣諸水悉涯之湖中有二

山一名君山產洪橘崔舌茶玳瑁竹祀堯女湘君

于此一名鹿角山陶朱故宅

先君涇陽王生有聖德受封粵南為百粵祖

我越之先相傳始君曰涇陽炎帝之裔王父帝明巡

狩至海南遇嫫仙女納之生子祿續神采端正有聖

德帝竒愛之欲立為嗣王固讓其兄帝明乃封之

R. 964
THU
0010 01A

越南是為涇陽王

雄王紹統建國曰文郎國分國中為交趾朱鳶武寧福祿越裳寧海陽泉陸海武定懷驩九真平文新興九德九十五部

雄王貉龍之子涇陽之孫王所都曰文郎相傳十八世皆稱雄王

迨趙為漢所定武帝遂以其地為南海蒼梧鬱林合浦交趾九真日南珠崖儋耳

抑齋遺集卷之六

地輿

二

福溪藏板

趙武帝陀建國于番禺

今屬廣東

傳祚六世至衛陽始亡國

西漢元狩年間武帝遣路博德等滅趙南海秦故郡

今廣東蒼梧鬱林秦桂林郡合浦秦象郡屬交趾九

真日南秦象郡珠崖儋耳

州人生則鑿其頰及連耳匡分為數支狀如雞腸纍纍至肩

今

儋瓊二州是並在大海中寰宇記永嘉為東甌鬱林為

西甌輿地志交趾周為貉越秦曰西甌索隱曰今珠崖

儋耳謂之甌人是為甌越

五嶺內屬歷吳晉至隋唐為中州便

東吳孫氏晉司馬氏東西晉隋楊氏唐李氏也內屬
朝北朝各置太守刺史都督節度以管轄之

前吳平漢復國所得壤地北夾兩廣南至地哩九二千八
百里東接欽州海門西界雲南九一千七百里

前吳姓吳名權也漢南漢也正公牙將矯公羨弒逆
漢王劉龔欲因其亂而取之乃徙封萬王弘操為交
王將兵而南吳王自愛州而北破弘操於白藤拏之兩
廣東西廣也地理道名今南界是

抑齋遺集卷之六

三 福溪藏板

府九五十州九四十一縣九一百零九一八戶三萬一十萬丁

黎天下為十道戶部獻民數五百萬六千五百丁

有李天下為二十四路行遣獻戶數三百三十萬一百丁

有陳天下為十二處院官獻黃冊大中男四百九十萬丁

黃男二百十萬四千三百丁

我朝混一天下為十五道府九五十六縣九一百八十七州

九五十四鄉九一社九九千七百二十八村九二百九十四坊

九五十九州九一百十九庄九一百十六洞九五百三十四冊

3911.000
2,104,300
6,015,300

5006.500

3300.100

3,110,000

九四百六十五所九五十八寨九七十四源九十六盪九一百
有十丁數七十萬九百四十率

702940

此歷代州縣戶口之目錄也二胡既執明人計所獲
府州四十八縣一百六十八戶三百一十六萬九千五百
象一百一十二馬四百二十牛三萬五千七百舟八千八
百六十五太祖平吳之後特準定丁數山南十四萬率
海陽十一萬率山西京北各十萬率清率七萬率又
安五萬率安邦太原各二萬率宣興各一萬八千率

柳齋遺集卷之六

地輿

四

福溪藏板

高平諒山各一萬一千二百率升率五百四十率

吳氏曰貉龍五十男從母嫗姬登山推其長者為雄王次子各據部册
分治今之洞册庄坊是也又李太宗聖宗征占停占人以歸使散處
州邑其邑皆做占舊號今之寨所是也

阮氏曰按中葉安廣二州四洞五縣歸隸欽州興化十有七州七
歸內地順廣二道分為南河陽和以後所存道十三府五十縣一百六十
六州四十八社八千六百七十一龍德間王府奉詔定民數實授三十一萬
一千六百七十率內放諸員衙寓祿并另匠及諸曉全除受確稍諸項
三萬二千六百七十六率只存實納二十七萬六千二百一率

乃命民部編八政書帝曰古今國都名號沿革與其山川
風物先生宜歷陳詳記使朕述所聞所知

民部戶部也政書當輯為政之書先生指阮厲

陽和 (1635-1643) 崇禎
龍德 (1732-1733) 崇禎

侯乃颺序曰涇陽王建國曰赤鬼雄王曰文郎都峯州
蜀曰甌貉都封溪趙曰南越都番禺徵仍雄雉都麓冷
峯州今三帶白鶴是封溪今東岸古螺是番禺在
廣東州值西南三十里麓冷今福祿喝門是

前李曰萬春都龍編趙曰越趙都朱鳶桃郎曰野能
後李都烏延遷峯州吳曰前吳都螺城

龍編今昇龍城是朱鳶今山西安朗是野能今在綏遠
懷安之間未詳其地烏延古屬慈州今慈廉是螺

抑齋遺集卷之六

地輿

五

福溪藏板

城安陽王所築

丁曰大瞿越都華閭李曰大越都昇龍陳及我朝邦號
仍李亦都于此

華閭古大黃今長安府是昇龍古大羅城李徙都邗
有黃龍見于城之西因改曰昇龍陳以為中京胡徙
都安孫以中京為東都太祖定鼎改為東京云
聘于北朝有稱越裳交趾安南

鴻臚氏初聘于周曰越裳氏自先皇至李英宗聘于

宋曰交趾自英宗迄今聘于宋元明曰安南
天王册章有曰粵南南越交趾安南南平今亦曰粵南
册金册章龍章也按帝明授潯陽粵南王漢授趙南
越王宋授丁黎李曰交趾郡王尋進南平王崩後進南
越王至李英宗報改交趾為安南國封帝安南國王
賜國王金印安南稱國自李始後陳以來皆倣此
肆臣承德肯既言邦師乃審識王宜以定貢賦焉
邦國號也師如洛師之師

抑齋遺集卷之六

地輿

六

福溪藏板

上京

上京帝都也吳朝郡守圭定都于此唐朝都護
高王於此築大羅城自李迄今亦都于此府路一
屬縣二坊三十有六謹按奉天府二縣壽昌廣德各

十八坊古號永昌

厥土惟黃壤厥田惟上中藏劍轎鎧仗組豆轎椅綺細蓋
傘安泰絨章瑞章宜蠶絲絹河津石灰行桃赤染
左一扇子西湖巨魚盛光龍服唐人葉衣厥貢錦繡異

香及金三品

唐人乃兩廣客商居庸也葉衣者北人裏衣袖身皆連長表衣隨次繳上望之如翠葉也西湖古靈潭是李陳立行宮於此觀魚

海及六頭安子惟海陽

海東海也六頭江名六水合源故曰六頭安子山名有陳諸帝嘗出家修禪于此海陽古陽泉郡東西夾京北安廣南北界太原山南四京鎮之一東藩

抑齋遺集卷之六

地輿

七

福溪藏板

之首路府九四屬縣十有八里社九一千三百七十七

按上洪府三縣古洪州今平江二百十社唐豪六十八社一村唐安

五十九社錦江八十三社下洪府四縣今寧江三百七十一社

嘉福今嘉祿八十四社青沔五十四社四岐一百二十八社一庄

一所永賴古同賴一百五社五庄南策府四縣二百八十七社

青林七十八社一所一寨至靈五十七社清河六十二社新

明九十二社十二庄荆門府七縣俗曰七郡五百七社金城古茶浦

七十一社炭山六十二社東朝一百十社水棠八十一社二村

安陽六十三社安老五十九社二庄宜陽莫為六十一社十

二所

厥土惟白壤宜火藥厥田惟上上厥木惟松柏槐柳中路
柳柳檳榔艾門陽隩物錯唐豪鱘魚二安鷄惟塢同賴
柑惟飴花潮敬王花石毛田不閉會庵絺布

宜者一道之所宜也安子產松柏至靈產槐柳同賴
產飴甘檳榔四岐產柳柳視他處為尤艾門屬同
賴陽隩屬先明二海口名唐豪江名鱘似龜田蟲足

抑齋遺集卷之六

地輿

福溪藏板

乃有毒可死人者制魚得脚剪投之江中二安安陽
安老也二縣產鬪鷄俗稱鷄塢花潮屬東潮敬王屬
茨山二山之石其彩如雲材可作磬毛田屬錦江會庵
不閉俱屬同賴今永賴是三邑絺布其艷勝帛篚以
為儀

李氏曰海陽土饒人悍和平則順化劫亂則梗化丁
李以來為然鎮撫之仁不可不擇也

沱陽傘圓惟山西

沱陽江名其源發自瀘漢至中河與洮河通抵白鶴合
於洱河傘圓山名三峯峙立其形似傘因以為名我國祖山
也山西古朱鷲福祿部東南界上京山南西北界宣興四
京鎮之二西藩之首路府六屬縣二十四里社九千三百六十
八謹按國威府五縣二百五十一社慈廉八十三社九村六州四
所二寨丹鳳三十五社五村七州福祿古麓五十一社五村五州
一所安山四十二社二村二庄二寨石室四十一社一庄三帶古峯
六縣四百四十四社安朗古朱鷲六十三社六州一所三寨安樂一

抑齋遺集卷之六

地輿

九

福溪藏板

百社二村八州白鶴峯州之地有旃壇白鶴集其上故名六十三社五村二州先豐五
十社扶康六十八社立石一百一社臨洮府四縣二百三十社
山園六十三社一村青波五十六社一村一州萃溪五十五
社一村七庄一寨夏萃五十六社一州六庄端雄府五縣三百
七十七社東蘭七十社三庄西蘭五十四社山陽四十二社四
庄當道三十七社三陽七十二社一庄陀陽府二縣七十六社古
陽三農四十社不拔三十六社三村一庄一寨廣威府二縣九
十一社美良四十五社四村一寨明義四十六社二村二州阮氏曰
沱江上

流有上下錯石二東西來舟筏如建瓯水商人多苦於攔撻云又越州有黃橘九月赤艷連皮水冊有野櫛三月始生筍葉澗溪淋漓通之陔江土人飲之即成痕塊昔建昌王建為明所入山場其父為詩成之曰春未橘鮮明冬初櫛葉生父子好相見早晚我門庭建依父教行人皆瘧疾惟建獨免古語陀江瘧地澗瀨奔驢信不我欺附錄牟圓山神曰柱國大王者靈顯最著李仁宗命工造祠於山上第一峯有樓二十層靖王平西欲登幸忽風再大作將士迷路不能上云

李氏曰山西人淳俗朴雖更擾亂未嘗為梗

厥土惟白壤桑洲惟宜厥田惟上中先豐生絹不拔油柵象麻暨戎料美良象犀角三農茶惟猫耳蠟惟黃白源炭惟締唱江魚惟鱖鮓山園白雉漆絲

抑齋遺集卷之下

地輿

十 福溪藏板

唱江在福祿縣相傳唱江發源自江漢江中有一樹名旃壇高十丈餘歲久樹老其根窖連江漢鱖鮓從之回南歷朝錫貢以供祭祀蠟有黃白二次白以糝容黃以燈

農岐隊壘惟山南

農岐江名隊壘二山名李朝作宮於此以為巡幸朝會之所山南古交趾郡東北通海陽上京西南通山西清化四京鎮之三南藩之首路府九九屬縣三十有六里社二千五十九謹按常信府三縣二百二十四社清潭七十八社五村三所上福

五十七社一所富川古浮雲七十六所一寨應天府李為南京四縣

二百四十五社青威八十社五村二庄彰德六十五社三村

三庄一所山明五十五社懷安四十五社三庄一所里仁府古利仁

五縣二百七十七社南昌八十三社一所三庄一寨維新五十八社

青廉六十社二所二寨金榜四十九社一村二所二庄一寨平

陸二十七社七村五庄一寨快州府五縣二百四十三社既崩征元有功

陳仁宗賜湯沐一郡曰崩路今為快州東安七十五社金洞古藤州四十六社十一村

芙蓉古美花四十三社僊侶五十二社四村一庄天施三十一社八村新

抑齋遺集卷之六 地輿 十一 福溪藏板

興府四縣二百七十社御天五十一社青蘭四十三社延河四十

二社神溪三十四社太平府四縣一百八十七社瓊瑰四十二社

一村附翼三十五社二洲東關五十社一庄瑞英六十社一村一

庄義興府古應豐李朝立行宮以省耕四縣二百四十五社天本七十九社大

安古大鵬李改為大安七十一社望瀛四十九社懿安三十六社天長府古即

墨陳改為天長四縣三百十七社膠水七十九社三十三庄南真一百

九社六村美祿五十一社上元古上賢七十八社一村一寨建昌

府三縣一百六十二社舒池五十九社真定六十五社武仙三十

八社

厥土惟赤埴墳與青黎厥田惟上上合路布締惟多青威綺
羅金榜絕帛南真真定火藥膠水瑞英大安海盜惟甘黃梅
平望酒惟蓮菊光烈荔枝盛烈鱖魚東台熟醴和亨錫納
黃梅光烈盛烈東台俱屬青池平望屬上福黃梅平望
花酒光烈荔枝絕勝中國歷朝錫貢以供和祀
李氏曰山南之地平行塏殷田穀之宜人工之修過於諸
路歷朝養兵之費皆資焉

抑齋遺集卷之六

地輿

十二

福溪藏板

天德衛靈惟京北

天德水名古北江是李升為府衛靈瑤山之別名董天王
飛升故處也京北古武寧部西南夾上京山南東北夾
太原海陽四京鎮之四北藩之首路府九四屬縣二十一里
社一千二百四十七謹按慈山府六縣四百社仙遊古武寧郡五十二
社東岸八十八社一洲武江八十二社桂陽四十五社安豐
五十二社青水二十八社順安府五縣三百二十二社嘉林
六十八社二所三寨超類六十一社一村文江古細江五十二社

嘉定八十六社一所良才七十四社北河府四縣一百四十八社洽和二十二社二寨安越三十四社金萃五十社先福四十二社諒江府六縣三百四十社安勇八十八社二寨鳳眼六十七社保祿六十五社安世四十七社陸岸五十二社古隴二十四社

四鎮記云府路一三帶二快州屬縣南

真北勇西樂東坡最是肥饒之地

阮舒軒曰宋人稱我水生珠我山孕金元人稱我一寸土一寸金明人稱中國之末地靈人傑清人稱傘圓大王之自海住山扶童天王之騎馬騰空褚家童子之杖笠升天寧山岭榮徐道行之印石投胎為安南四不死云

厥土惟白壤厥田惟上上鉢場什器萃球黑布右隴甘蔗安

抑齋遺集卷之六

地輿

十三

福溪藏板

世弩矢及條石灰

鉢場屬嘉林萃椽屬文江應供北聘鉢磁九七十副黑

布凡二百疋安世藥矢以禦北寇色條石灰以供制作

李氏曰京北民人曠悍雖太平亦嘗梗化臣昔為本道

行遣條上邊事請增防秋之兵

附錄曰安世射矢以其中處血脉湧出須臾死人至於射禽獸亦然

雲渠金標分茅惟安邦

後避諱改安廣

雲渠水名白藤之別號前吳王於弘操興道太王於烏馬

免於此分茅山名金標銅柱也海東路西三百里有分茅嶺
嶺半有馬援所立銅柱大三尺許唐元和中都護馬驄復立
銅柱於漢故處安邦古寧海部西南接海陽西北界欽州
路府九二屬縣九八州九六里社九三百有二庄四十四東
方之第二藩也謹按海東府三縣四州一百一社萃封十四社

一村安興二十五社一村十五庄雲屯州李朝所居在居外國商於此十庄二坊橫蒲

二十五社二庄新安州十六社一村五十三庄萬寧洲十八社二

庄四洞永安洲三社陽泉府五縣二州二百一社安浦三十社明開

抑齋遺集卷之六

地輿

十四

福溪藏板

萬寧永安安浦水路張輔置逸軍水驛直至欽州又設馬驛自嘉林至橫州橫渠四十社雲安六十八

社萃衙九社安然六社如昔州六十七社四崗貼浪十一社

九崗李氏曰安邦險惡謂之遠州歷代遷人居之

附錄曰安廣舊所屬二府八縣六州三百社莫登庸篡黎遣臣鄭惟僚如明乞援登庸乃率其下如明鎮南關上降表乞內屬納如昔貼浪二州歸隸欽州及中興之第四葉元帥清都王公統國政私使使祔封于明明封為副國王王乃獻以陽泉五縣今計所存府一縣三州四社一百有一安廣至今狹小可勝惜哉

厥土惟黑壤厥田惟下下海濱沈魚惟錯雲屯萬寧合瓜及
批人各以方服貢諸貴異

沈魚水名生於鹹涯群魚皆以尾掉土人取服可消嵐瘴方服言從其俗各不相襲也李昉諸國商船來集安廣水猪朝廷設為雲屯萬寧二州使將鎮撫客商來市輦輦貢進

洮歷惟興化。

洮江各歷山各洮黃水之末亦五百年一清興化古新興部在漢為南中孟獲拒孔明於此西通雲南東接山西北南接宣又府路凡三縣凡四州凡十有七里社凡三十一崗一百五十

抑齋遺集卷之六

地輿

十五

福溪藏板

有五册凡一百三十七庄凡八西方之第二藩也

謹按歸化府三縣二州三十一社五十四崗鎮安二十七社七庄

二崗二册安丘

一作立

二社一庄一崗十八州文振二社八十册文盤

州四十崗水尾州十一崗

與雲南接路

嘉興府

胡改為天興黎朝因舊各

一縣

五州四十二崗青川一村二崗三十四册符萃州三崗木州二

十崗三册越州三崗梅州三崗順州十崗安西府十州三

十崗萊州十一崗倫州十崗瓊崖州五崗昭晉州十二

崗高陵州四崗謙州三崗綏阜州三崗黃岩州四崗合

肥州四崗醴泉州四崗

阮。晉。軒曰安西古寧遠州後改為復禮今為安西

厥土惟赤埴墳厥田惟上下木條惟喬茸桂砂仁及彩布惟
絺金惟三品銀惟什成銅錫油橘香料暨蜂蜜惟錯昭晉
能言鸚鵡惟相錫貢大理老撾皮服厥貢西綾錦繡及回
鷄彩羅

梅州三品什成金銀產處一日惟午相可取視他州為尤
大理老撾國名屬雲南古蜀地也其地近本國常來朝
貢回鷄國名陳相宋數被元人侵伐宋人有以船三十艘

抑齋遺集卷之六

地輿

十六

福溪藏板

來附國人號曰回鷄能言鸚鵡非常得之物或相州人弋
而得之始錫貢

李氏曰宣興諒太高平上游五路阻險足憑蛇虺魑魅能
為人怪水土惡暴能為人梗而男子父道罔失藩臣之禮
良由山林之間何物不有而民間日用所乏者一鹹鹽不然
其地水土京路人民不諳豈不為中國之梗乎

附錄曰清都王使使如明求封明人隨便封為副國王及明為清
所敗偏安龍州使使來求興化諸州地王乃乞納興化十州稅例半
歸內地明乃置為建水縣明人既
敗清人復取之迄今不能復也

犁卒及瀘惟宣光。

犁卒山名今謂之犁卒關。太祖起義起使防禦陳班修之。後拒明將柳昇支兵於此。瀘河名其源發自三江流至乾路與陀洮合。宣光古新與部越雋地東北夾高諒西南夾山西及興路府九屬縣九一州九五里社二百八十二西方之第三藩也。

謹按安平府一縣五州二百八十二社福安縣七十三社收物州五十五社陸安州四十社大蠻州三十四社渭川州

抑齋遺集卷之六

地輿

十七

福溪藏板

六十社保樂州二十社

李氏曰宣光保樂州昔本我地內屬邾為中州物及李朝宋神宗畏其疆盛既以順州歸我復定疆界以隘外保樂六縣予之宣路之俗大抵恰似北客歷代以荒忽待之

附錄曰宣光有四錯石曰重圓夫婦者曰仙蟾母子石者有二取水曰戲象港曰走馬港者石頭交冊水道險深波濤之洶湧流嘍之水聲幾半里許漕筏過此不善任棹者即以攔石塞之內靖至平西間命鏡士交射四石俱墜于河後數日仙蟾從尾重圓相負如故鏡士大悞以事啓王王命以牢祀之厥土惟黑墳厥田惟下下草木惟條保樂金銀鉄錫陸安鉛

銅箔藤福安彩布惟青蜂蜜惟黃收物沈香花蠟確油象齒惟良龍渭并服厥貢犀驢

土人織布金黃以青彩之其樣甚好黃蜂最潔其藥吐甚甘土人以此治腹虫症花蠟以花增養其味甚香龍渭州名今大蠻國是在明廣西我保樂之間其俗亦長髮好寤頭骨閒衣服與牢無異卧朝朝常八貢後使信不通及黎朝起義向日効順犀亦象之類其每六十年一生殖驢亦馬之類善於引重輕身不行

抑齋遺集卷之六

地輿

十八

福溪藏板

那松及梁惟清萃

那松二山名梁水名發源自廣平清萃古九真部唐初為愛州李朝以為清萃府東北接山南暨海西南界山西及驩路府九六屬縣二十有二州九四里社九百七十九南方之策二藩也

謹按 紹天府八縣三百七十社瑞原縣四十四社十三村十

七庄一所六寨十三坊八庄永福縣四十五社一村一坊四庄

雷陽七十三社六村二州二庄三十州一坊一所東山七十四社

二村一庄一所安定五十六社五村九寨九庄錦水五十
社三村五庄五十冊三溝廣平三十八社二村八洲二庄石城一
社五十三洲三庄四十四冊二坊一街河中府四縣二百
八十一社弘化七十二社二庄一所淳祿三十九社六村六
庄二所峩山三十九社宋山三十一社二洲九庄一寨靜
嘉府三縣一百九十三社農貢八十八社一村三十一冊廣
昌五十五社一所玉山五十四社一庄一寨二坊一巡長安府
古大黃是 三縣二百六十三社嘉遠七十三社四庄安謨 古謨 五
社

柳齋遺集卷之六

地輿

十九

福溪藏板

十二社二村一庄安康三十九社三村三庄三寨天關府三
縣七十社安化二十二社奉化二十七社一庄一寨樂土三十
一社五庄清都府 明改清化為清都鎮 一縣四州五十九崗壽春十四崗
柳關州十二崗良政州蠶州十崗

李氏曰清萃之地水尾山頭狹小湫隘得其亂不得其治
丁黎之於大黃二胡之於西街覆車可鑒則於太祖汝說
之言為尤信

厥惟黑墳厥田惟上中檳木惟絲神頭魚有人形柳關壽

春皮惟虎豹犀象蠶岑蠻獠厥貢牙角

神頭今神符海口是魚似人形魚頭有尾無鱗清化路

山多惡獸精流化為此阮舒軒曰清之勢又之神與太

麒麟及藍惟又安

麒麟山名在永江之右藍水名其源出自靈江又安古

懷驩部後改為日南郡又曰驩州丁黎以為寨李改曰

又安東北夾海南清化西南接順化雲南路府九九屬縣

二十有五州九三里社九四百七十九南方之第三藩也

抑齋遺集卷之六

地輿

二十

福溪藏板

謹案德光府六縣二百五十五社羅山三十七社一村二寨天祿

三十七社一庄宜春二十六社真福福新三十七社八村一所

香山三十四社青漳三十四社八村三十三庄九冊三所一

寨一瀉一巡三源演州府二縣一百九社東城七十六社四村

二十九庄四冊二洲瓊瑠三十六社九村四十二洲三十七冊

英都府二縣八十六社興元四十二社三村三所二甲南塘四十

四社六村一冊一瀉茶麟府四縣一百十二崗會寧五崗祈山

二十崗九洲襄陽七崗一坊永康八十崗河華府二縣七十

九社石河四十二社一所一寨竒花三十七社十二村葵州府
二縣四十崗中山十六崗翠雲二十四崗王麻府一州二十七
崗鄭皋二十七崗臨安府一州十三崗歸合州古益蠻是本
屬哀牢太祖
得國始十三崗十六冊順寧府七縣一州九十二崗珠琅九
來朝貢十崗鎮忠十二崗布政十二崗

厥土惟壤宜檳榔厥田惟上中胡椒海鹹惟佳南戎踈布石
河締絕玉麻齒革葵州羽毛鎮寧桂參竒花簇子哀牢彩被

抑齋遺集卷之六

地輿

二十一

福溪藏板

厥貢象蠟鉦金

羽翠羽也毛山骨子毛也鎮寧府金山產桂珠琅產參每年
上供二十斤竒花海口名簇子魚名其形似鼈身圓如鷗胸
臆有毒土人漁得以掌捫之其皮衝圓不見頭面若煮食簇
子胸臆者卽暴死書存之以示戒如唐豪之鱗刃支梭之鰓
瓜渭泉之五廉也哀牢國名其先有婦人名沙臺者居於
牢山捕魚水中觸沈木有孕十月產男子後沈木化為
龍出水因舐其男之背故蘇人皆刻畫其身以象龍文漢

光武初始通中國明帝以其地置哀牢博南二縣今部落甚繁所在有之皆號曰牢然文布纏藤呼魚喝鳥蛇羹象飯避仇八寺風俗大畧無異地產犀象白蠟罽布金鉏尤好無文字以葉記事牢自李陳屢經大創乃以地近我國朝貢不闕國初常効順及路文律詐誘牢信好遂絕及天下大定牢盤嵒猶曰奴曰單于後改為陀云昆孤慕德內附西南復通

李氏曰又安人心險悍過於愛州道路悠長水土常習

抑齋遺集卷之六 地輿 三十一 福溪藏板

歷代以之禦西南夷

海及雲靈惟順化

海南海也雲隘山也靈水名順化古越裳氏部趙越改為北景州內伴東北通又安西南連牢廣路府凡三屬縣凡八州凡四里社凡六百五十八南方之第四藩也

謹按新平府二縣二州二百二十四社康祿七十八社七册四源麗水二十九社布政州六十三社一村二十四庄二册三源明靈古麻靈李常傑征占取其地六十四社二源肇豐府六縣二州

1) Dai Nam Nhat Thang... chiep 北

四百四十四社海陵五十四社八村二十八崗武昌九十
五社三村五冊丹田六十三社九村六冊金茶七十三社二
村二州十三冊三源思榮四十四社十八村一庄奠盤九十
五社順平州八崗二十一冊沙盃州六崗十五庄六十八冊
厥土惟黑墳宜火藥及椒戎厥田惟中中奠盤黃雉沙盃茶
惟雀舌海陵兔惟白毛

紙藥以葉紙包之以火燃而食之也明人來侵令我州縣
納胡椒一入十苗後椒貴一苗值五緡弩江以北椒樹盡

抑齋遺集卷之六

地輿

二十三

福溪藏板

徙於吳惟人化更歷後陳及本朝割據椒猶存焉

李氏曰順化我北景州也內屬後占環王常擾南境
有其地李陳之親親征占城多於占王占人請獻思麻
明靈布政三州贖罪天子置為順州化州後合為順化其
民染占舊俗性悍耐苦先朝以之禦占

僊女富河惟南界

僊女山名古龍骨是山上有塔十二座號曰僊女塔富河
四海門名南界古越裳北景州內伴也內屬閒沒於占占

分為占瞻占壘東北接順化西南通占城路府九三屬縣
九九里社九十七南方之第五藩也

謹按升華府三縣二十三社古地哩是醴陽九社河東八社熙江

六社思義府古占壘是三縣四十一社平山十七社義山十二社慕

萃十三社懷仁府三縣三十三社蓬山七社符離八社綏

遠十八社

李氏曰胡氏征占占人獻占瞻之地季釐劫使盡獻占
之占壘胡置為升華府國史所謂南至地哩者也

抑齋遺集卷之六八地輿

二十四

福溪藏板

阮舒軒曰胡氏劫占盡獻占壘之地因分為升華思義州置安撫使以管之
以其源頭為新寧鎮占城收其近便人民還國洪德間占茶和八冠化州
聖宗親征破闍黎城收復舊疆又闢地至石碑山

置懷仁府屬縣三其藩定四府南為占界

附錄曰李朝已得廣南十分之二至胡朝又得廣南十分之半洪德間聖宗
斥地自古壘歷門還羨西沙黃律闕邦富河羅冷求只耐春基陀泥茶農

小門弟俞虬薰至潘陽九十四海門置為廣南承宣云及昭薰子孫繼鎮
順廣復征占取其地置為平康迤慶平順三府又征高綿取其地置為

嘉定府福隆新平二縣自古占人僻居平順之左乃
封占主為順城王占人由此不能為我患矣

厥土惟黑墳厥田惟下下潘定水獅思明絲菓黃竹赤燕縣山玄
縞赤野夏翟孤山特桐延津浮磬名山石錯

潘定江與懷仁府接獅子威服百獸犀象見之皆驚潘定有

獅三群居水中翻尾以打人船波濤湧積如堆李常傑征
占報大軍至此不便涉乃封獅為効順三神伯宣勅曰獅子浮
江出聽由是軍船進無所礙思明錦山皆屬綏遠赤野屬
義山孤山屬河東延河名名山屬慕萃

占暹真臘戎服厥貢玳瑁白象花脂及九寸蟻

占城古象林縣屬我越裳部日南郡後改林邑其境南通
真蠟曰訖備西際瓜哇曰上源北接我驩州壤曰烏里惟東
際于海統州大小凡三十有八縱廣可六百里其地少田貧

抑齋遺集卷之六

地輿

二十五 福溪藏板

我日南肥沃欲畧有之故常侵擾其俗事乾泥道猶花鑄

金人銀人大十圍以祀之暹羅國在南海中其地千餘里

古暹回暹解二國是羅土肥百穀成熟產金蠟暹土瘠

後暹降羅合為暹羅其俗好剽掠真臘在占城之南

去日南郡舟行六十日乃至其縣鎮風俗與占無異其

民以東向為尚右手為潔自唐後分為二其半北多

山阜曰陸真臘尋號屈賀今高半南際海曰水真臘

地八百里今嘉白象亦獸中之靈太平始見花脂花石之

定

脂也九寸蟻蟻之神主也三者不常有惟我諒山及暹
占真蠟有之歷朝以為郊祀

良江及研惟太原

良江富良江也研山名太原古武定部內地東北夾高諒
西南夾京北路府九二縣九九州九二里社三百三十六批
方之第二藩也

謹按富平府八縣一州二百三十六社司農五十七社一庄五

寨平原莫改平泉二十七社普安二十三社一庄洞喜二十九社二

抑齋遺集卷之六

地輿

二十六

福溪藏板

村二十庄一寨一坊一市大慈二十二社七庄富良三十社十庄
文朗五社九庄武崖三十社六村二十五庄一源一州定化古宣州
四十社十二庄通化府一縣一州七十三社感化二十二社二村十
二庄白通州五十一社一村十二庄

李氏曰太原自李陳為州至明人八國升為府黎朝一
統始升為道

阮舒軒曰李朝令開平虜江自冷更至平虜通于平難以便太原往
來又置白通感化居民凡七驛以為亦聖矢宿歇之所然後太原一條山
脚漸可通行

厥土惟赤填墳厥田惟下下白通註茸參葢定化銀銅鉛
金大慈蚺蛇普安白猿同喜魚珠惟錯

邱驢望夫惟諫山

邱驢在桂城北古温邱葱嶺江是望夫山名在諫城之西
山上聳出一石遙望如人形背南面北俗傳古傳南策
人實韜為前吳王將從軍禦北邊其妻蘇氏名蕙守
節十年織迴文錦寄之後乃與家奴登諫山孤山望夫不
見乃投屍而化因以為名焉諫山古陸海部西南夾大

抑齋遺集卷之六

地輿

二十七

福溪藏板

原東北夾兩廣路府九一州九七里社二百二十七北
方之第三藩也

謹按長慶府七州一百九十三社祿平州三十九社二十一

村與廣西思脫朗州古脫二十社安州三十社一百盈十洲

文淵州古文四十一社安瀾州三十五社一村一庄七原州莫

七三十四社安博州三十八社

附錄胡憲陳祚明人來諫山祿平之地乃使黃晦卿為割地使以祿
平古樓三十八社五十九村與明所失之壤凡五日程

厥土惟黑墳厥田惟下下安博錦繡綾羅異香安州山藥七原

金銀文淵銅銀脫朗白象惟朝勅獻思明土獠厥貢西錦及沉香

思明明廣西州名地近本國土官常率土人朝獻

李氏曰白象亦獸中之靈李陳閒兩見之諒州有獻輒以郊享可見聖人不玩異物如此

蒲及羣安惟高平

蒲水名羣安水名高平古武定外地東北接兩廣西南夾太原諒山路府九一州九四里社二百七十三北方之第

抑齋遺集卷之六

地輿

二十八

福溪藏板

四藩也

謹按安平府四州二百七十三社上琅州二十九社下琅

二十八社石林一百七十四社二村一甲廣源四十四社四村

李氏曰高平土宜多珍異然赴任官難於久住先代

乃寄治於太原云

惡水記云太之大慈武崖高平之石林廣源上下琅州宣之保樂興之文振水尾符準枚州木州高陵黃嚴醴泉諒之温州脫朗安瀾七源安博安邦之永安人之珠琅景淳歸合清之壽春冬州京北之右隴海陽之東潮水崇其惡水九二十九處云

厥土惟赤填墳厥田惟下下廣源黃金丹砂石林特犀良馬

運山琨瑤竹山直桐邕州蠻哩厥貢珍珠

運山屬上琅竹山屬下琅邕州廣東州各本國產處記如箇金武

建金弄石銀定邊送星覆山仁山廠銀金尾銀

廠銀有鉛感樂廠銀有鉛同樂廠銀有鉛俗號福武振廠

金廠批白鉛廠天采廠金錫廣固廠金有銀鉛核市核波油巡夾內

以下寶囊鐵大好仕中鐵同泥巡卯支批山波油巡夾內

上有銀全年批泮市上有那苗市間有憑隴市西支廣白

市右有野市間有界市間有新福二十六廣白銀

抑齋遺集卷之六 地輿 二十九 福溪藏板

上田面供粟六十升錢六陌中田面粟四十六錢四陌下田

面粟二十升錢叁陌不滿面者全免

面貳也陳呼武為面國初因之

京師有提領內京鎮四道及清化有行遣參知外藩鎮

九道有總管宣慰

以行遣參知內京路是內三百里揆文教也以總管宣

慰仁藩路是外二百里奮武衛也

李氏曰京路非無總管宣慰而所職者行遣參知藩路

非無行遣參知。然四京鎮各兼之。如東道行遣兼領海陽。安廣西道行遣兼領山西宣興南道行遣兼領山南清化。而開治于雲床副使兼順廣而開治于武昌北道行遣兼領京北太原而開治於安勇副使領高平諒山而開治於溫州。至於參知亦皆如此。故外舉總管宣慰言之也。

國人毋得效吳占牢暹真蠟諸國語及服裝以亂國俗。

毋者禁止之辭。言吳語從舌必譯而後知。牢語從咽暹

抑齋遺集卷之六

地輿

三十

福溪藏板

占真蠟國語從喉如駛聲。然皆不可效。以亂國音者。吳人久淪元俗。被髮白齒。短衣長袖。冠裳燦爛。如葉之重者。明人雖復漢唐衣冠之舊。而其俗未變。牢人以蜀布纏身。如伏家之水田。占人以巾蔽腿。而露其形。暹羅真臘以布連包手膝。如屍之裹。皆不當因襲。以亂風也。

李氏曰。自元人入中國之後。天下變而胡語胡服矣。獨不變者。惟我邦與金陵之朱氏。金山之趙氏而已。及明太祖即位。使易濟民來通好。裕宗使尹舜臣聘于明。明帝勞

問國使嘉其服俗依然中華文明賜御詩曰安南際有陳
風俗不元人衣冠周制度禮樂宋君臣因賜文獻之邦四
字又進我使位朝鮮三級之上及使回乃使牛諒賈龍章
金印皆來褒寵焉

諸邊州官郎父道無故不得赴京有朝會許次懷遠
懷遠館名在嘉林之巨靈李朝置此以為邊酋外國使宿
歇之所父道今改為輔導

外國諸人不得擅入內鎮悉處之雲屯萬寧芹海會統

抑齋遺藁卷之六

地輿

三十一

福溪藏板

會潮葱嶺富良三奇竹萃焉

內鎮四京路也并海會統會潮三海口名俱屬又安葱
嶺屬諒山三奇屬宣光竹萃屬山西興化寄治之鎮所
連結兩章嚴內外之防於此可見矣

帝曰太祖開闢十年天下大定傳之子孫期以萬世朕否德
忝位賴諸忠良匡救以圖終始使予德光于四海則阮程
之治何足云多

陳避元祖諱改李為阮黎避恭慈太后諱改陳為程

乃命阮天縱作集註阮天錫作謹按李子晉作通論以明之
天縱天錫相居諫院多有直言子晉自北道行遣八為承
旨典作詔誥文辭與雅有足稱者

一旬書成上進御覽帝曰於戲聖祖經營四方足迹徧於
天下扇風飲雨卧鼓枕戈其亦艱哉收拾山河以付於
我其亦大哉先生位我神考代天行化克配上帝至
此書又欲擬倣虞夏勉勿予棄劬吾於堯舜其亦
偉哉

抑齋遺集卷之六

地輿

三十二

福溪藏板

言大祖經營馳驅遍歷天下暑不及扇食不及飲卧不
及席枕不及衲如此其艱苦也故天地神人亦克予相大
定明寇復我封疆傳之子孫以及我也先生指濟文也神
考太祖也帝君曰正直者代天行化太祖起義群臣請尊上
為代天行化是後語諭多以稱之倣擬虞夏欲率虞夏
之所行勉勿予棄勿以予幼冲為不才而忽之也劬進
引之也帝言先生既佐太祖能以其君配帝之顯者今
此書虛閱古今志記又欲效唐虞之治如此勿以予不

敏而棄之其當引我以堯舜之極等者則其功昭垂千古顧不偉哉

薦曰上言及此國家之幸也

祝里吳氏曰志畧曰本國四至計起東抵于海西抵老撾南亦抵于海北抵憑祥四百七十里東南抵海東北抵廣東欽州一千里西南到占城二千四百里西北到廣西順安府二千五百里到南京江南由廣西去七千七百二十里由廣東去六千六百二十里到燕京由廣西去一萬六千六百里由廣東去一萬六十五里宋文帝元嘉中南經林邑於日立表望之日在表北九廿一分交影在表南三十三分交州去洛九千餘里蓋山川曲折使之然也以表取其線直當六十里唐開元測交州夏至日影在表南三十三分與元嘉所測畧同王克論衡曰日南去洛萬里李鑒曰安南至長安七千二百五十里孟館曰以四方揆之安南適當中國末地耳今自羅城至金陵一百十五驛計七千七百餘里

抑齋遺集卷之六

地輿

二十三

福溪藏板

李氏曰抑齋上進此書大。宗嘉嘆俾公印行及東行暴崩朝議以為抑齋夫人阮氏路綫逆罪及三族大司徒黎列公令工人毀本後仁宗長能聽政黎列有罪囚於土牢帝幸秘書閣覽經籍得抑齋遺本謂群臣曰阮薦忠誠佐太祖以武戡亂佐太。宗以文致平文章德業本朝名將無與為此不幸婦人構變善類蒙辜最為可憫乃置於御寢以為政本